

靈  
巫  
力  
由  
求

中華民國三年

靈力由求

廣州  
東山  
美華印書局校版

No. 149. Translation of  
E. M. BOUND'S "POWER THROUGH PRAYER"  
China Baptist Publication Society, Canton.  
Price 20 cents per copy.

## PREFACE

A short time ago, several missionaries were led to read E. M. Bound's book "Power through Prayer. The effect produced upon all was profound and lasting. It was the conviction of every one that Mr. Bound's messages was one which should reach the pastors and preachers throughout the land of China. My God use this translation to stir up men to pray as they have never prayed in behalf of China before, in order that the people of China may be spiritually quickened and obtain Life.

JACOB SPEICHER,  
Canton.

## FOREWORD

(In the English Edition)

By Rev. A. C. Dixon, D.D.

Metropolitan Tabernacle

London.

This little book was given me by a friend. I glanced through it and laid it aside, thinking that I would read it at some convenient time, though I had never heard of the author. But it was forgotten till Christmas, when I received another copy as a present from another friend, "Well," thought I, "there must be something worth while in the little book, or it would not have been selected as a present by two such intelligent people." So I read at once the first page till I came to the words: "Man is God's method. The church is looking for better methods; God is looking for better men." That was enough to whet the appetite for more, and I greedily read chapter after chapter with delight and blessing. When the last sentence was finished I felt that I knew more about prayer than when I began to read, and, better than that, I felt more like praying. Every page pulsates with the heart and mind of a man who knows how to pray; knows the men who have known how to pray, and is very earnest in desiring that others should know how to pray.

His desire has been realized to some extent, in the case of at least one, who would like to have others share the blessings with him."

A. C. DIXON.

靈 力 由 求

靈力由求序

古今教會盡由上帝之旨親依上帝則其職易爲違悖上帝則其教不立徵諸二約毫釐不爽人與上帝相依非祈禱有恒不爲功故摩西祈禱而勝其敵約書亞祈禱而奠其民希西家祈禱而安其國但以理祈禱而保其身彼得祈禱而覩異象保羅祈禱而建殊功路得祈禱而復正教耶德遜祈禱而化緬甸賈利祈禱而變印度巴尼抑祈禱而救紅人馬理遜祈禱而益中夏其餘猶多不能盡計皆由祈禱以成天國之工耶穌爲帝子祈禱之工不敢輟况於其徒哉今中西受職日興月盛祈禱之人固甚多而濫竽充數有忝傳道之燈者亦不少泰西通例每逢主日牧師最重密室兄弟至堂各安座位不敢高聲峻語擾混衆人紛雜公規故經筵一席牧

靈 力 由 求

次

師之言津津有味如西波仁麻笛等語甫畢而新聞已傳於市上矣外國教友未知此理交遊談笑無間公私以故師徒之間惟有糟粕壇坵之上絕少靈恩欲建金屋於耶穌之基欲成靈會於上帝之國其可得乎英國普恩士先生明知此理爰推立達之義纂著祈禱之書其存心忠誠引事切當信德甚篤說理最精將引四海同胞共臻簡在之天職余初讀之如獲至寶惟念同胞英文未達安窺著作之妙良友勸譯公諸遐邇遂從美意繙成漢文是否有功於教界亦惟託諸中外祈禱之林不敢徼幸於己力也書成付梓因弁數言於其首時在

耶穌一千九百十三年

美國師雅谷口譯  
中國陳夢石筆述

MG  
B975  
50

靈 力 由 求

---

爾基督徒傳道者。宜學習畢生聖潔之理。上帝  
簡爾。用爲佳器。故應先此修爲。蓋爾之傳道。惟  
一二時。爾之行爲。則全安息也。撒但求法。使欲  
牧者。好貪好俗好嗜味。若然則此職已被滅矣。  
故宜用心致力。專事祈禱。務能得題。得想。得語。  
言文字於上帝處。路得。每早。三時祈禱。彼且如  
此。何況於他人。

一



3 2285 6032 6

## 第一章

基督徒常用力致思。尋求新思想。新法度。新組織。以期教會進步。福音廣播。效果粲呈。是其所恃者。在法不在於人。每以爲法勝於人。法者事之本。人者法之歸耳。若上帝則不然。上帝以人勝於法。且勝於萬有。蓋非人無以立法。人者法之主。法者人之用耳。是則聖會以法爲要。上帝則以人爲要。上帝之法爲何。人是也。教會所求者爲善法。上帝所尋者爲善人。故新約之時。既至。上帝欲開一路。以備耶穌之臨。聖經言之曰。有一人。爲上帝所遣。名喚約翰。是卽備路之要人也。古人之望得救。不望於法。乃望於人。以賽亞云。因有一嬰孩。爲我儕而生。有一子。賜於我儕。此言乃指基督。全世界之得



靈 力 由 求

救。卽在此人。其來也。裹布而置於馬槽之中。（見以賽亞九章六節）

保羅出門。信達各會。使各會之人。成爲道德良善聖潔之第一流人物。蓋由其一人之大力。致成如是之大效。福音之榮耀之大力。非由於法而來。乃由於人之宣傳真理而來也。

上帝每有世界之大事。不獲已。必藉世界之人而爲之。如該人能克副其召。則上帝必資之以力。致道德權能因之而顯著。經云。主目遍鑒天下。凡誠心向主者。主力助之。（見歷代志下十六章九節）

上帝作事。自出心裁。不以世法自拘。不藉人謀之佐。雖用人。而未嘗因人。而失其自由之智度。但最不忘者。每用一人。

靈 力 由 求

天下至大之事成焉。

現今教會最要之需。非求良法。非求組織之力。惟求聖靈充滿之人。祈禱得力之士。夫靈非注於組織會。乃注於人心。非膏於法。乃膏於人。博士某善治歷史。常謂萬國之變更。進步。非由他法。乃由數人之道德已耳。萬國如此。教會何獨不然。是則教會之興。非由組織之力。乃由傳道等道德之力。傳道有道德。教會因之而進步。傳道無道德。教會因之而腐敗。欲知教會之興衰。惟視傳道之優劣而已。

福音之道德。仔於傳道之肩。能建興於人。亦能敗壞於人。罕譬而喻。有如水龍。夫水龍非自來水之鐵筩乎。能建興。亦能腐敗。其金筩強健。水脉玲瓏。則活人何止千萬。如其不然。筩

靈 力 由 求

則壞矣。池則涇矣。雖有山源活水。安能濟困而扶飢。道德之傳道。生養由上帝。爲使者能公忠。則所傳之書無遺失。傳道之人品。較其經題爲尤要。主日司壇。姑以經爲題。固甚善。而要以人爲題。爲尤善。母哺子以乳。乳乃母之生命也。傳道以題。哺其羊。題亦傳道之生命也。是故哺人者。必出於生命。生命壯健。忠心熱志。皆由耶穌而出。人之聞之者。受其益。生命疲癯。疎慵劣弱。皆由疾病而出。人之聞之者。受其害。保羅云。我儕有此寶。在於土器。致莫大之能。非由我。乃由上帝焉。（見哥林後書四章七節）夫寶者真道之光。土器者血肉之體。器能助光。亦能敗光。傳道主日傳書。雖爲一時工夫。實出一生靈性。漫曰。爲時甚短。輕易行之可也。應當本身作

靈 力 由 求

則大放眞道之光。蓋廿年樹學。一旦方可誨人。如是亦必廿年感靈。一旦方能誨人。一題之道。必具一生造詣。不如是不足以爲傳道矣。心德加增。道理亦與之俱增。心德加力。道理亦與之加力。心德加聖。道理亦與之加聖。心德感靈。道理亦與之感靈。傳之者能進步。聞之者卽無不心領而神會也。保羅嘗云。我之言。我之已意。如此者。非有意損礙福音。乃出於靈性主恩之心。明見眞理之託我。故烈烈存心者。亦烈烈出之於口。而聞之者。更無不烈烈而盈於心懷間也。考聖經。保羅之道。大概猶存。有如題目。高懸朗照。天下之人。皆得按題而尙論。然其道非大。其人實大。其道其言。其聲其教。皆如煙霞流水。容易逝去。而其人則長存萬古。永留天地。

靈 力 由 求

人心之間。

傳道者。道德如何。感人。之功效亦如何。不能感人。超越本身。之道德。靈死者所出。之道。唯死。死靈。之道。惟有殺人。是故。萬事之至要。無過。生靈之德行。猶太祭司長。額上懸牌云。聖潔。歸於耶和華。今之傳道者。亦宜。心上懸牌云。聖潔。歸於耶穌。不然。傳道之人。反出。祭司之下矣。

美國道學家愛華德司約掌單云。余所致力者。進步耳。所尋求者。聖潔。以合於基督。所希望者。聖潔之天堂。當時聞者。甚多。受者。甚樂。

道不自行。依附。人力。然後行。惟道之智性。實能感發。傳道之心胸。傳道常以仁愛。自維係。仁愛之極。知有人而不知有己。

靈 力 由 求

八  
如是者力常大。而所及人之言如命令。傳道常克己。不惟克心。亦日克血而克骨。交友則謙恭。居心則溫柔。智則如蛇。馴則如鴿。服勞如僕役。自由如帝子。雖高弗高。雖卑弗卑。行爲若聖人之誠實。品性同孩子之善良。此則所謂傳道也。

傳道者不尋快樂。惟尋大信。力行救道。損蝕自己。不存畏蕙之心。惟求慈悲之志。用心致力。務使一代之人盡歸主。

畏死者。服世求名者。悅世畏人者。不執上帝之信。不守上帝之言者。如此皆非上帝之所生。不惟不能導會。亦且不能指引世界一人。以至悔改而歸教。

傳道者必先用力嚴治自己。必先勞苦勸勉。精治自己。故十二徒之受教。爲耶穌至大之工。亦爲至難之工。傳道非爲作

靈 力 由 求

題。乃爲作人。作人以成靈人。以成聖人。然必先作自己。自己未成靈成聖。而欲他人之成靈成聖。其可得乎。

今日者。上帝不求甚大器。大才。大學之人。惟求大聖。大信。大愛。大忠。於上帝之事。有大思想之人。

傳道者。常以本身之聖。懸爲題目。不論座間。路上。事裡。令人皆見之。而知所勸勉。如是者。其爲一世之大教師乎。使徒之時。往往有之。

信德則健強。傳道可合天法度。勇敢聖潔能力。則靡不備具。如此者。卽能安乎。曰。不能。是爲克己也。釘十字架也。勞苦也。日日死也。其性如此。必至鄰里鄉邑當代。莫不受其指引。感化。莫不悔改遷善。莫不大變舊俗。然而一事遺忘不得。卽祈

靈 力 由 求

禱是也。眞傳道。具大力量。皆由祈禱而來。故欲事事皆能。性命有力。全工畢作。舍祈禱則無能爲矣。一十  
傳道者。坐而爲題。起而傳道。非曰不宜。但真實題目。非成於顯。乃成於隱。隱處之祈求。上帝鑑之。密處之感通。上帝悅之。悲哀與流淚。旣呈。眞理與知識。並得。隱處之題目。旣成。顯處之帝恩。錫予。夫祈禱能使傳道爲靈人。爲眞工。爲良牧。而傳道多不知之。往往恃自己之小學。忘祈禱之柔心。敷衍塞責。勉強從事。致令傳道之工。轉強爲弱。轉聖爲污。豈不惜哉。尤甚者。臨事則爲事。過則己。人前則舉手向天。隱處則無膝抵地。不惟不能追蹤保羅。亦且不能追蹤其伴。如此者。功力悉失。而欲望其成大事。勝世俗。完上工。必不可得也。



靈 力 由 求

---

有人證云。富克思最有名譽者。在其祈禱之力。內則虔恭寅畏。昭事上帝。外則行端品正。憬愕羣儕。少聞言。重正論。獲聞其言。卽受其慰。有人證云。未見一人。敬虔有如富氏。在祈有力。在主有識。與主相親。非人可及。因此上帝以靈賜之。彼卽以敬以畏而親之。

## 第二章

善者嘗變不善。美者嘗變不美。風變爲颶。物變爲毒。傳福音者亦然。傳福音本爲活人。乃竟因罪而變爲殺人。傳道者譬猶門鑰。能開亦能閉。上帝故以美種之生靈。付彼以播於人心。興發秀茂。是其所愛。惟承此工者。能善用之。則利益無窮。若變用之。則天下至毒。無出其右。

何以滅牧者。亦惟一沉迷不醒之睡臥耳。貪睡則場荒。場荒則羊亡。羊亡則牧者與會。尙能自存者乎。

礮壘何以能滅。望棚上巡兵。方在睡臥。圍牆內守卒。方服毒水。故仇敵一臨。礮壘不攻而自失。

傳道之職。關係甚大。而誘惑之事。無時無之。誘多防少。失足

靈 力 由 求

何難。職之重者敵亦大。傳道漫曰撒但。亦在睡臥。不用詐。不用力。不惑我人。致傳穢語。

今者傳道之職。如此其重且大。何人可以勝任而愉快。此保羅之所要問。而亦我人之所欲問者也。保羅云。其亦使我足當新約之役。非以文。乃以靈。蓋文致死。而靈致生也。（見哥林多後書三章六節）夫真能爲役。真能傳道者。上帝必先感化之。資助之作成之。故勝任愉快。莫過保羅之所言。

真能傳道者。蓋嘗受聖靈之感化。故靈果靈言。俱由其口而出。有若生命然。又若山泉之灌輸隴畝然。凡受之者。皆獲生命之賜。如主耶穌之於世界然。且生命有餘。如夏令之於草木。如秋令之於果木。真能予人以生命者。是爲上帝之傳道。

靈 力 由 求

一四

人也。其慕上帝之心。如渴如飢。其魂則緊緊追隨。其眼則明  
明向上。其胸襟則純具聖靈之大力。其肉慾世情。皆釘於十  
字架。其百體則爲役於福音。其以福音予人。則如大河之水。  
決漉澎湃。沾溉一方。  
殺人之生命者。惟無感靈之傳道。其力不由上帝。皆由血肉。  
聖靈不在其心。又不在其口。諸般施爲。俱足殺人。究無一事。  
由靈而出。有似金也。其實爲銅。有似玉也。其實爲石。有似生  
命也。其實並無生命。  
傳道惟恃文墨者。章節排比。甚屬可觀。其實有文無實。竭涸  
也。空虛也。欺誑也。雖是眞理。而無生養之春氣。其種子生命。  
鬱於寒氣之中。裸於冰霜之內。並無陽和暖日。解釋嚴凝。流

靈 力 由 求

爲清水。蔚爲佳穀。

傳道有具真理者。惟真理被阻。聖靈不臨。帝力不莅。真理遂不生發。縱或生發。亦爲殺人之具而已。有真理。無聖靈。如是之傳道。甚假僞。自恃文墨。雖言之諄諄。而聽者藐藐。自恃己力。雖言之懇懇。而聽者茫茫。工夫非不精勤。思想非不周密。措事非不廣大。自以爲使徒之跡可追。而聖靈之工亦幾幾乎盡。此腦力身軀而可等替。如此者。其愚不可及。又以爲聖經真理。俱已盡力爲之。其播出者。不久必能大發。殊不知靈氣寂然。而生命亦復寂然。所播出者。非同生發之種子。乃同堅勁之珠子。播珠子於土中者。安有成實斂簸之希望。夫失生命者。雖佳必死。珠子甚好。真理亦甚好。其奈生命之不具。

靈 力 由 求

何。誰。致。言。語。毒。人。傳。道。毒。人。事。功。毒。人。非。此。靈。氣。寂。然。之。傳。道。乎。非。此。生。命。之。寂。然。傳。道。乎。無。聖。靈。之。力。無。祈。求。之。功。無。生。命。之。賜。雖。心。極。勤。勞。皆。肉。也。於。道。奚。益。爲。人。公。義。名。聲。稱。於。時。禮。儀。甚。周。教。化。甚。正。非。異。端。左。道。可。相。比。如。此。者。宜。事。事。從。心。所。謀。皆。成。何。致。生。機。阻。滯。力。不。如。願。殆。緣。虛。假。耳。內。無。實。德。外。藉。虛。聲。故。於。道。理。無。所。裨。益。傳。道。自。恃。虛。文。不。恃。上。帝。則。路。塞。而。力。不。通。自。擬。爲。王。緊。閉。心。殿。不。肯。虛。左。恭。延。上。帝。如。是。者。譬。猶。殘。斷。之。電。線。上。帝。之。光。與。力。彼。此。未。由。相。通。困。苦。疲。乏。矣。貧。窮。裹。體。矣。自。恃。可。惡。矣。至。此。猶。不。知。悔。猶。不。哀。憐。其。亦。可。以。極。由。呼。求。矣。庶。幾。上。帝。之。火。潔。爾。心。而。一。切。恩。惠。能。力。納。諸。爾。懷。不。然。徒。有。自。恃。

靈 力 由 求

---

而已。而衆人皆盼然無所得。其阻尼上帝之事。爲何如哉。世界惟予人以生命者。其值爲最巨。然予人以生命者。自己必以死。死於何處。死於十字架。死於勞苦。死於聖靈之內。不由十字架而傳者。不能予人以生命。蓋十字架之道。乃由十字架之人而出。否則徒然無功也。

靈 力 由 求

---

監督某。自證云。予於病時。卽省察自己之生命。果否符於永生。省察磨勘。較平安時尤嚴。但覺本分不虧。爲牧之職亦不虧。雖然較主則不能。以予之感情順服愛惜。而比耶穌之恩佑救贖。匡持。則相去何啻天地。我未愛彼。彼先愛我。恩愛洋溢。無言可喻。相形之下。我之愛情冰冷。我之品誼不堪矣。雖罪惡不作。惟機緣屢失。常負主恩。不求進步。不求沾益。好自營謀。何有熱心。以愛基督。迴溯往事。無言對主。今惟卑屈。求主垂憐。熱志專心。與主立約。自茲以往。感予以靈。致意全心。服事無忘。云爾。



## 第二章

傳道殺人。或以正教。人情莫不好正。爲其清高正直。出於上帝。超於異端。勝於邪教。潔白有逾水晶。故常欲依正教以得生。其奈傳道者。名不踐實。外假正教爲名。而內實用妒忌戰爭爲事也。

虛文之傳道。工夫甚大。學習甚異。名聲甚大。實則恃虛文以殺人耳。正教出於其口。卽爲死教。聞之者卽爲死人。死之大何如耶。且經營思慮爲死。深奧爲死。讀經爲死。祈禱爲死。傳道或偶逢泰運。名聞一時。學足三餘。理明八素。著述貫於古今。文字通於篆籀。學問文章大於律士。如此者亦猶大雪寒霜。有肅殺而無生育。

靈 力 由 求

傳道或高談雄辯。辭源倒峽。操觚染翰。紙貴洛陽。格律則杼軸新裁。文華則花枝乍秀。如此者亦猶棺上花園。已離生長之根株。終成荒原之枯梗已耳。

傳道殺人。或學業空疎。規章闇寂。文理不明。工夫慵懶。思想昏黑。口舌拙弱。祈禱不聞。如此者辱大而靈死。獨深。

虛文之傳道。文理膚薄。影射偏工。不明道體之精華。不識帝天之玄妙。徒具外觀。並無實際。教授生徒。絕無成就。同舟共濟。彼岸無一能登。如此者其殺人何多哉。

傳道不受聖靈之再造。不由上帝之甄陶。閒言積中。真理飾外。路途與道德殊異。齒頰無道德思存。帝座之立身。天使之吟咏。明宮之聖潔。皆未由靈而向慕。口不言悔。心不重生。不

靈 力 由 求

洗清水之泉。不遇靈宮之火。歌咏之徒。及門之子。有洙泗之  
優遊。無天城之智識。無天人父子之合一。無祈求懇切之專  
心。外具虛文。內泯聖潔。生命靈性。並皆失之。殺害樹木。酷似  
夏日之冰。如此者。其會同於墳墓。其事歸於空虛。其人則死。  
其羣之能禦鬼角勝者。則不可得見。心失真性之主。口失辭  
劍之鋒。大乖聖潔之輔。徒爲罪惡之媒。名爲引人升天堂。實  
可陷人落地獄已耳。

傳道害世。以不祈禱也。不祈禱則死。不祈禱則所傳者亦死。  
不祈禱則弱。其所與人者亦弱。不祈禱則要事不成。而所與  
人者亦要事不成。爲職事則祈禱。於會堂教友人前鄉里則  
祈禱。不知要而有力者。不在人前之祈禱。乃在隱藏秘密。獨

靈 力 由 求

人對天之祈禱也。

今人不祈何也。非慵劣不虔之師。有以致之耶。會堂禮拜。嘗聞長言無味之祈禱。無益也。等諸冰雪殺人之物耳。人心冷淡。愈死則祈語愈加長。

今所欲求。惟隱密之祈禱。生活之祈禱。真實之祈禱。感靈之祈禱。直直之祈禱。件件之祈禱。全心之祈禱。誠實之祈禱。膏靈之祈禱。蓋所缺者祇此而已耳。

設一學校。教人祈禱。當爲上帝之所喜。受教者能以靈以誠而祈禱。則如是之學校。當與神道大學校同一重要也。

余自己言曰。且立此待之。思維之。欲往何處。作何事。傳道殺人否。祈禱殺人否。

靈 力 由 求

---

祈於上帝。彼乃至大至尊。創造萬有。操權審判者。祈之之虔心當如何。誠實真性當如何。而欲得其准納。又當如何。爲人當如何。宜用誠實之心。不存欺瞞之意。何事爲人生至高至要。祈禱之事是也。傳道者。去其有害。求其進步。爲真人。成大事。人沾生命之賜。力轉天地之鈞。豐富如上帝。必准傳道之祈求。而與世界以要需也。

靈 力 由 求

---

一牧師。證據美州土著之某傳道云。我人若祈  
禱矢志。當考巴尼抑之爲人。彼如何勤勞祈禱。  
如何流露己靈於上帝前。以代無望無救之紅  
人求。彼不悅他事。惟悅祈禱。卽靜密之祈禱。熱  
衷之祈禱。信德之祈禱。其完備道德。卽在此也。  
傳道於紅人。諳其音語。具有溫柔與仁愛。皆由  
祈禱得也。千萬知識。不如祈禱。所以至成大器。  
致救彼族者。俱由祈禱得也。

## 第四章

牧師之品第。不一而足。有離羣索居。等於修士者。有避世獨處。儼同幽人者。蓋以爲若是。則事上帝可以專心。不若是。則交世事必至紛濫。而不知其實皆非也。何則。道不患寡。而患不勻。所得於上帝者既多。則所施於世人者亦必宜多。謬於此者。上帝必不悅之也。

今之傳道。更謬古人。靜居雖同。惟披覽載籍。力習經題。則不同。若此者。孜孜矻矻。日無暇晷。上帝之祈禱。概置不理。每因簡篇。致失懇惻思維之心。豈不謬哉。

夫有大文者。未必能成大事。惟有祈禱。則大事可成。故愈事鑽仰。則愈失方鍼。彌求文華。則彌淹靈性。因求知識。而轉以

靈 力 由 求

知識害人害己者。世界比比也。

傳道有畏幽獨。而濫交世故者。其心所愛。在於人情物議。新聞等。祈禱之工。則寥寥如也。其立意以爲祈禱宜輕。傳道宜重。自隱而求。一室幽幽。何如衆友相親。盈庭濟濟。如是者。心與上帝相離。雖有建設。率憑自己之智。轉瞬傾頽。不可紀極。牧師有畏閒雜。而樂祈求者。自慎亦慎。其羣。疊疊祈求。冀結善果。上帝之前。率憑其忠。忠於人。亦忠於永遠之事。蓋嘗思之。爲牧之道。宜洽帝性。不祈且欺己。又何能洽於上帝之性。要洽帝性。惟有常常之祈禱已耳。漫曰工多。卽能見喜。惟恒祈不已。卽能見喜也。

主日爲題。致力用心。受任受託。事應如此。然而祈禱缺如。心



靈 力 由 求

則空空。言則絮絮。有題等於無題。用力同於無力。習慣不祈。心如砂磧之場。題如遇風之霧。祈禱能生發。禱祈符帝性。而明民用。如此者。事由專心。職不強爲。果實加多。衆情感信。上帝且注以靈。又何慮力量有不足。

西波仁先生云。傳道能卓異於衆人者。惟在其祈禱已耳。他徒祈禱。彼亦祈禱。此本分之常情也。然本分一事之外。猶有職任一事在焉。較於平人。尤爲重要。餒而無力。何以稱職。故非祈禱加倍於人。則於會事無能爲矣。

傳道不專祈禱。自己無福樂爲可惜。羊羣無感情。尤爲可惜。至終如何。亦惟有含羞啞口而已耳。藏書樓牙籤萬疊。讀書

室晨夕咿唔。比於祈禱。皆爲虛也。

又云。我會禁食祈禱之日。卽爲此城至大獲福之日。天堂之門。與我更相近。上帝之榮光。於心更明晰。他日他時。不可同日語也。

按西君爲近世道學名家。住英京倫敦。才學信德。爲時宗仰。關會數十。得友數萬。著述宏富。

祈禱非同香水。少許卽化氣襲人。祈禱必具全體。凡血肉骨骼皆與之。祈禱非國隅置散材。無用則置。有用則挪。傳道最善之時機。卽祈禱。身與力俱歸於祈禱。出門播種。引人相信。時習聖經。未足爲盡職也。

播種誦經次也。密室祈禱先也。非由祈禱。則播種誦經。俱爲

靈 力 由 求

無益。祈禱所以正心也。心正則職事亦與之俱正。聖靈厚注於會。羊群咸沾教育。是牧者之所欲也。不由祈禱。曷克臻此。甚矣。古人之於祈禱也。何等致力而爲之。耶穌則大哭懇顛。保羅則忠心熱志。雅各則義人有效。（見雅各五章十六節）祈禱如金爐之香煙。縷縷之情。直達上帝之所。（見默示錄八章四節）

祈禱有大力。能變更百事。上帝之所喜納者也。祈禱非同小孩之外裳。有外飾而無內心。祈禱非同閒人之飲食。稱謝一瞬。噬嗑一時。祈禱之工。宜純全嚴肅。畢世爲之而不可已。祈禱之力。宜殷勤懇至。過於三餐宴飲之時間。傳道以祈禱爲要。則所成之事亦要。我人亦是如此。所求者

靈 力 由 求

輕。則所應者亦輕。隱處之精誠畢達。則顯處之感應周詳。凡能善果昭彰。聲名遠播者。大抵俱自隱密處之祈禱來也。夫揚名非必一致。而祈禱之人爲第一。文章詩賦。可以成名。大學卒業。可以成名。而祈禱之工未卒業。則一切皆燄然而未足道也。隱密之工夫純粹。則傳道之職任優爲。祈禱有缺。他事不可爲補。而敬虔熱志文學等。更頂替不得。對大人言神道可也。對上帝言敬虔亦可也。爲言足邁衆。虔足親上。惟對上帝言祈禱。則應時時習習。殷勤不輟。祈禱則引人之力加增。不祈禱則語言之命已喪。況於其力耶。

牧師某云。祈禱之值。最爲寶貴。他物之值。皆不及之。又牧師某某云。第一是生命之祈禱。第二是祈禱。第三是牧師所要用之祈禱。兄弟乎。故此爾宜祈禱。祈禱。祈禱。

## 第五章

傳道者。祈於生命。祈於書舍。祈於道壇。真誠勉勵。不論何事。皆顯祈禱之力。不落二等。不事外貌。得時得機。卽通宵達旦。與主同偕。面主而求。

牧者至真之工。卽學耶穌。彼之祈禱如何。牧者之祈禱亦當如何。（見馬可一章三十五節）書房密室。無處不可祈禱。如亞伯拉罕。禱於伯特利。（見創世記十二章八節）如祭司。禱於祭壇。如雅各。禱於伯大尼。心與想。皆向於天。不向於人。言論傳播。皆具天堂之清氣。上帝無時不在其中。

機器雖妙。無汽則不能自行。經題雖麗。無力則不能以自活。

靈 力 由 求

故火鼎者機器之能力。祈禱者經題之汽笛。有機器而無火鼎。則頑鐵徒存。有經題而無祈禱。則糟粕奚用。是故大學問大文章。未見其益。有祈禱有靈力。方足爲益也。祈禱則上帝臨於經題之中。祈禱則上帝親於百姓之地。非上帝之以感以格。則百姓亦無仰無瞻。傳道明上帝之道路。代人民之祈禱。於上帝有所得。於百姓則有所成。嘗遇傳道祈禱如夙搆。如具文。勉強出之。忽忽而言。亦忽忽而止。如是死也。與道理無異。語言剛毅。祈禱真心。忠烈如火。聲音懇摯。虔誠具備。才力滿足。如此者。何因得此。非由合主感靈。而有愛憐矜恤之心乎。非由欲人得救。望主得榮之心乎。此工最靈。非由上帝之禱。

靈 力 由 求

助。必不能成。有此心者。知此缺。知此缺者。必向上帝。勉。而求之。如是之祈求。真也。切也。誠實而不謬也。傳道者如此。祈求如此。勤勞如此。勉力以撒生命之種子。則其得民心也。多。而引人以得天福也。亦多矣。

亦有傳道。見稱於時。語言悅於人耳。洽於人心。智力則揭地。掀天。文才則含今茹古。洋洋盈耳。令人欲罷不能。然靈氣寂然。不由祈禱之功。專利剝竊之巧已耳。

亦有傳道。靈力大注。生命活潑。令人悔改。結果有餘。如此者。祈禱之功使然也。多年之後。果實尤繁。令人念之不忘。

間嘗與人論傳道。何薄而無力。花而不實。彼多端推諉。爲故不少。其實惟有一故。不親上帝。不得聖靈之力已耳。



靈 力 由 求

傳道多人。才力頗大。惟於人之心靈。絕無關涉。夫心靈爲神鬼關頭。爲死生界限。爲傳道最宜用力之處。今乃不然。殆緣祈禱之工。缺如。而靈化之心不足。故雖有大才。而於人之心靈無關也。

傳道大益於人者。祈禱之工。裕如。聖靈之力。滿足。口未言而靈已集。如此者。非由於他。乃由隱處之祈禱來也。故語言之施。非如出於己。乃如出於靈。

傳道亦人耳。有血肉柔弱之軀。魔鬼之抗拒之者。其力尤嚴。祈禱乃心靈之祈。血肉皆無用也。肉之所好。惟順風揚帆。順水行舟耳。處逆境則不能也。其祈禱亦屬人情。遜志滅驕。懲忿窒慾。皆不爲也。是故以靈而求者。血肉人情。暨宜貶損而

靈 力 由 求

不用。

血肉多於人者。祈禱非短少則全失。少與失二者均爲害人。欺世之傳道。失者或能反悔而知非。少者每反以少而自足。欲知人之貴重如何。惟視其祈禱之多少如何。用心隱密者。世固不易見。若朝三句暮四句。冠裳不整。氣慨慌張。如此者。與古爲悖。失道何多。以古爲鑑。孤負不少。與古爲隣。窮窶曷副。是以力竭而傳道無效。

廼有人焉。立志健強。畢生祈禱而不倦。鐘點時刻。日日如恒。如此者。上帝必與以天國之鑰。成大勳勞於世界。祈求大者。上帝之印證亦大。而大福之事。至終皆得完備。傳道受託。祈禱惟公。彼此均不偏廢。口才有如天使。不以誠信而祈。不以

靈 力 由 求

---

天助自援。如此者。譬如銅鐘。響則有之。中則空也。究竟必無  
功效。以成救人之事。

靈 力 由 求

---

道學博士某云。異哉。華則有之。實伊何有。心則念之。道伊何薄。其殆祈禱之工。疎懶也。寫字讀書。聽經談道。心則熱矣。禱而祈之。魂若逃亡。今也盡力以靈。盡却以肉。祈禱忍耐信德三者皆添加之。庶免致悞。爲人之牧。則以信以祈。爲一真牧。有專向之心。有自由之志。一切靈工。致能成之。

## 第六章

明晰易知。不待反詰者。惟自然之靈理也。牧者之工。合天得力。由於祈禱之功耳。祈禱則生命行爲靈工。三者皆賅括無遺。牧者之工。合人得名。非由於祈禱來也。其終之實。惟有糝糠已耳。

機器運動。宜注車油。否則火發車焚。人皆知之。乃有運動則要其盡力。申油則忘其沾濡。倏時間紅燄薰蒸。車機殘毀。損失金錢。或相千萬。是則機器必當膏油。非油則毀滯而不行。傳道之事亦如此。傳道機器也。祈禱膏油也。故傳道不有祈禱。則事機阻滯。有損壞而無利益。自己與羊群皆反變而失其固有之聖矣。

靈 力 由 求

傳道祈禱懇摯。是引上帝而置於工作之中。非由傳經。卽能致此。乃由祈禱之心向往耳。經云。親近上帝。則上帝親近爾。是語也。非僅爲罪人而設。亦謂傳道而設。罪人之親上帝。爲赦罪。傳道之親上帝。爲靈力。傳道非爲他人。乃爲羊群。祈求上帝。爲膏靈膏。則羊群受感。而爲上帝之所愛。祈禱乃以致和非。惟神人合一。亦爲人人合一。牧師非任大工。以成大事乎。何能勝任而愉快。亦爲祈禱已耳。他法均不足恃。功業宏善。學問精通。書樓高敞。非由祈禱。亦徒勞無功。

使徒與耶穌三年同工作。宜力強而志大。詎一旦相離。遂懦弱不堪。以任事。必至五旬靈降。而後方能奮發。以有爲。然此亦由祈禱來也。經不云乎。遂登所居之樓。同心專務祈禱。

(見使徒一章三十四節)

傳道之具。熱志忠心者。世事不爲。肉情不作。不區區於講題之工。整擇善無方。爲工不一。威權不懾。黜陟無憂。上帝與居。聖靈與處。所畏惟心靈貧赤。召見無功已耳。如此者。心行事功。已優入聖域。重生改革。已顯著於人。所爲眞聖靈與偕。所在眞上帝與處。所成非人世平庸之理。所學惟上帝奧妙之道。靈力積中。丹心在抱。所與辨析居稽。惟上帝聖靈而已。無論於己於羊。皆以熱力爲之。如是上帝認之。祝福偕之。聖靈與之。名譽歸之。新心勃發。舊力消亡。當爲天國之家人。非爲世間之俗客矣。

牧者多人。工或有之。惟屬皮毛。無生活能力。雖非出於惡意。

靈 力 由 求

實惟缺於祈禱已耳。傳道爲何其事不成。缺於祈禱之功。故也。傳道祈禱。日日加增。則其根本自堅固。選題出於聖經。講論出於祈禱。書房變爲靈殿。入之者卽覺上帝常在。其中矣。傳道某臨終之言曰。唉。一生之祈禱何少。傳道某某曰。我將尋一機緣。致作真實之祈。深遠之祈。高上之祈。心之所望。惟此祈禱也。

古今傳道所見畧同。無他。惟此祈禱而已。惟此祈禱迫切。成爲祈禱中人而已。各人之事不同。而祈禱則無不同。天涯海澨。遠近不同。而中央之祈禱亦無不同。傳道之祈禱如何。時多時少。或作或輟乎。非也。乃依祈禱之理。善守一生德性。心意思想靈性。俱括於此理之中。由此則能力大加。聖會清潔。



靈 力 由 求

---

千萬信士。俱得淑心淑行。而造成聖之域。踞下祈禱。爲時久暫。不計鐘表。惟謹對越。熱心有似保羅角力。有如雅各流淚。有如耶穌雅各。云以利亞亦猶人耳。祈旱則旱。祈雨則雨。所以如此。蓋欲遺式於我人。俾知事主者。其祈禱之關係如何。異跡奇能。長留千古。惟祈禱而悅上帝之心者。卽得爲之也。

靈 力 由 求

---

牧師某云。考聖經。凡爲名牧。爲大教士。得明達智識於聖經者。皆由祈禱工多故也。蓋於祈禱間。時或聖靈開其知識。名言奧義。忽朗若列眉。較前更多而更明。如是祈禱。畢世不可止息。英國監督會主教某。其於祈禱。日需五時。芳名道迹。至今猶存。大抵教會益世。能功勳卓著者。皆由祈禱所發生也。

## 第七章

信徒祈禱。語言短促。或隱密。或人前。俱寥寥無幾。時或二句而已。是非祈禱之正法也。祈禱之益者。在心與上帝相通。非長言之何由而相通。大而有力量之祈。應舍世情。久依天父。隱密求之。自然能應。然則短促之祈。有時亦能應何也。曰。勞力在先耳。凡在主前。勞力多者。心已與之相通。故祈禱雖短。即能見效。凡在主前。勞力少者。心未與主相交。故祈禱宜長。方能見納。雖然短而見效。又不若長而感化。若欲短而感化。宜學雅各。未求之先。即與天使角力。汲汲連宵。至曉。遂蒙片言之明示。以學欲識上帝。欲明奧義。非一言請安。一揖示禮。便能成事。必黽勉用心。方蒙允准。誰能沾主鴻恩。其奔走無常。

靈 力 由 求

者乎。其隱密秘藏者乎。其隱密潛藏。卑躬屈膝。尋求上帝。與語移時。日日懇摯。時時扳援。致上帝聞之念之。爲開門路。認之祝之。畀予能力。如此者。卽能得之也。蓋彼以盡力而求。上帝亦以大力而錫予。耶穌嘗示人祈禱弗倦。意謂上帝之賞無限。惟迫切者卽施予之。觀於官吏之待寡婦可知。况耶穌自己亦力行此道。或終夜。或臨事。或醫人。或遇難。俱懇切爲之。所在之地。常暫不一。大概清高隱靜之處爲多。橄欖園爲最賞識之地。其勤祈如此。故能成其事。而聖其德。畢生無所遺憾。保羅亦然。古之聖人更無不然。但以利世情則輕。上帝則重。啟牖祈禱。日凡三次。大關王亦然。每日早午晚三次。常抒恭肅之心。使徒更有加無已。但長短則經書不載。惟心靈

靈 力 由 求

之通於帝。謂則無時或息也。

或曰。祈禱之時。以表爲計。每多多而益善。曰不然。非由於靈於誠。言語雖多。奚益於事。上帝之所惡者。卽憑空捏造之瑣語。夫靜坐不言。亦可祈禱。上帝之前。我雖未禱。而靈早先我言之。督正之任。上帝自爲之。稽察之工。聖靈親作之。煩言瑣語。於我何與。我但時時由信進信。則主必以益賜我。

親近上帝。率憑德性。則教會之受益必多。坐於帝前。亦與晤言之祈請一般。或曰。如是者可與上帝共語。可坐上帝之前。西面云。余日祈禱四時。四點至八點是也。韋斯來先生。每日祈禱二時。證者云。韋君以祈禱爲世界第一要事。一切大事。俱不如之。嘗禱罷。出自小門。面上光彩。爛爛異常。此經

靈 力 由 求

余親目所見者也。

又有某牧。素好長祈。天寒面壁。呵雲成彩。時或通宵達旦。疊  
疊爲之而不倦。其性則束於祈禱之中。其由座而起。則心先  
於身。否則祈禱爲不恭。路中遇友。必曰。逢君恰在祈禱中乎。  
此其對友之常言也。

路得馬丁云。早晨宜二時祈禱。否則魔鬼將勝我。遇多事則  
曰。今日事多。祈禱應加一時。上帝錫予。則有力以應諸務。又  
云。祈禱若好。讀經亦必好。  
人之言曰。監督會主教某。與主相交爲獨多。常在祈禱之中。  
日夜思維。惟在天父而已。著述家某云。主教所樂所事。惟有  
祈禱與感謝耳。

靈 力 由 求

人之言曰。牧師某。因多祈禱。致爲上帝所戀愛。每夜鷄鳴。卽起祈禱。

牧師某自言云。余每夜四點卽起。思維帝事。用心祈禱。

亞麟牧師。每夜四點卽起。禱之祈之。至八點方治己事。偶有工人先起。卽自愧赧曰。工人爲利。且孜孜如此。我爲天國靈恩。何以遲遲而起。祈禱沾恩。其利較一銀行爲更大。

牧師某云。至善一日一時。以與上帝相親。至高至果之工。卽此也。黃金時刻。不可擲棄。早晨人靜。六點祈求。以至八點。晚餐後。又跪求一點。臨睡。又勉爲之。疲倦之時。不息。半夜不眠。亦不息。

某校學生。共設祈禱之會。每夜四點卽起。合力同祈。五點卽

靈 力 由 求

---

止。晚西刻一點亦然。如此行之。成材卓著。上帝用之。往往見於人事。

蘇格蘭名牧韋濟約翰云。每日宜二時爲禱。八點至十點是也。否則今日非我所知也。寒天冰雪。半夜乃起。以毡裸體。伏地而禱。哭泄之聲。聞於左右。妻曰。勿爾如此。奚爲。牧曰。婦乎。非爾可知。三千靈魂。在我手中。我不知其事將如何也。



靈 力 由 求

---

英詩人柯勒直云。祈禱之工。爲至大之工。世上無工可比。何耶。因祈禱必用全身心思靈才腦力而爲之。舉世合一。不能爲此。文人學士。名著於時。亦不能爲此。何耶。以其有缺。故不足以爲此工也。

## 第八章

威遜牧師著述中。嘗載傳道士某云。讀某君日記。祈禱之多。不可勝計。靈則懇切。心則激烈。其他所錄。亦多可賞。但不及祈禱之重且多也。

保遜先生居恒愛禱。小房裡。榆柴地板。當膝處。日久爲之低陷。讀其日記者云。先生事主至專。待其友生。力則猛厲。語則溫明。愛爲益人之事。大得悅人之心。推其根本。乃由祈禱而來。觀其地板低陷。即可知也。

法總統某。信大禱專。伏地長祈。常不知起。一日命僕云。過時二刻。卽來扣門。僕諾諾。二刻至門。窺之。見總統口喃喃。而身則蜷伏如死人。不扣而反。越二刻再往。依然如舊。復不扣而

靈 力 由 求

反再越二刻往觀。還是如舊。不獲已。作剝啄聲。總統遂起。徐言云。半點至乎。何時刻之易逝耶。傳道某。宣教異邦。嘗云。余何爲哉。亦惟祈禱而已。每隱密閉門。獨自爲之。

人之言曰。巴位威廉百餘年前。教澤聲名。無人不悅。所以然者。惟祈禱之功。祈禱與膝。無時相離。每由祈起。卽覺力大如火。所至數十處。如火如炬。烈烈引人。最愛與人同祈。而自已之祈。每日常四點。

印度元帥哈維力。每夜四點卽起。靜密祈求。至六點而止息。祈時。兵卒不敢近。聲名洋溢。全印傾心。至今里巷歌謠。會場演說。猶爲人所樂道。

靈 力 由 求

耶德遜先生居緬之時。多遘患難。然仗祈禱。卒反危爲安。致友書云。日間備事之外。卽有數時。以親上帝。七次自禱。隱密爲之。半夜甚善。天曉亦佳。九點。十二點。三點。六點。九點。皆爲祈禱之時刻。足下宜用心於此。勿以他事。阻此祈禱之功。須知人生泡影。光陰有限。爲人事聚集之時刻則多。爲祈禱向天之時刻則少。於心安乎。書不盡言。尙祈珍重。勿忘先生之道。旣行緬甸之基。遂立祈禱之工。優於一切。至終其功如何。觀於緬會之果實球球。卽可知也。當時大陸傳教。靈賜口才學力。他人之占優勝者甚多。獨先生聲名道業。廣揚中外。此何故耶。無他。亦惟祈禱與不祈禱而已。他人之足跡。皆印於沙。先生之足跡。則印於石。是則忠於公。而習於禱可知也。

靈 力 由 求

(石或作金剛鑽)

人之言曰。非祈禱無人能作工。亦無人能有上帝耐久之工力。

今之信者。以祈禱爲閒事。片言隻語。卽心滿意足。如此者。殆未聞某牧之言祈禱也。牧云。祈禱何以克私情。不如雅各。則不能也。雅各終宵角力。天曉卽蒙允聞。如是人或畢世尋求。漫無所得。堅執至終。則竟蒙垂聽。且祈禱當法保羅。自己爲之。亦請人爲之。互相用力。互相得慰。又宜法耶穌。遇險力祈。終能告厥成功。故易之者必無功。而誠之者必得力。又當觀於寡婦求官之故事。終能如願而償者。乃由向日祈求之迫切也。向使進退趑趄。形神恍惚。則其冤情。何時而得昭雪。夫

靈 力 由 求

---

臨場者。赴赴。則勝仗可期。遇敵者。貿貿。則虜功莫奏。國事且然。況於祈禱。故無知者。畏怯者。無成功之日。而用心識旨。知不足而望上路者。常因信德。而祈禱無絲毫之阻礙。

靈 力 由 求

---

名士某君云。余早起未嘗見人。惟先見上帝。展誠祈禱。此乃至宜之事。眠既久。起乃早。禱事既行。方治公事。朋友談談。中午卽至。心中纏轉。隱處之祈禱未申也。耶穌味爽起身。至野祈禱。大衛黎明卽起。舉聲籲呼。家庭教育。早晨祈禱爲要。行之則大益。止之則知非。靈何以不飽。燈何以不明。失祈禱也。靈魂與上帝。時或間隔。不相親。失祈禱也。故早晨祈禱。未見人而先見主。法善而益至多也。

## 第九章

五八

輔世長教。早起之禱人爲多。其他不早不祈。孜孜爲利。上帝之事。置若罔聞。何耶。志不早立。心不上求。緩急之次序顛倒也。夫早起而求者。切心於上帝。日高猶睡者。忘懷於天國。大衛則不然。其早起勤求之心。有若鹿之求泉。至時不起。則輾轉不安。惟彼懶人。偃息在床。日高三丈。猶戀黑甜之鄉。固不知祈禱爲何如事也。考教會歷史。享盛名而成事功者。皆自祈禱而來。皆自早起切求而來。然而不早不祈。習慣疲慵。功名不就。魔鬼與誘惑。皆無法以勝之者。世更不乏其人也。然則人之熱心。其自早晨祈禱而來乎。曰。非也。不安舊習。迫切祈求。營爲進步。上帝已爲之開路。熱心卽因之而至。好眠



靈 力 由 求

遲起者。生命已亡。善機已止。百凡皆無所得。惟不貪於枕席者。心喚之而使起。志驅之而使求。德日進而力日加。默示滿於中。與義應於信。駸駸進步。皓皓治躬。懲忿窒慾。所向皆勝。凡此皆他人所不知測者也。

惜乎。人莫不讀書。而鮮能知味也。鮮能實踐也。譬猶造墓者。古人之善行。則銘旌之。自己之行爲。則違悖之。教會所需在何。卽傳道之早祈也。早祈有如曉露。露有一日之功。祈有一日之效。靈賜善工。喜樂才能。皆得滋潤之功效。而供上帝之收成。否則無祈無露。人工皆爲徒勞。故倦求之罪爲第一。所當迫切哭泣而改悔之者也。世人之智甚大。悉心擘畫。以冀其事之有成。如是我人於天

靈 力 由 求

---

國。豈不更當盡力勉求。以冀其事之有成耶。不盡心。不毅力。者。天國無所得。失祈求。貪睡臥者。心力已焦枯。欲望天恩。終成畫餅已耳。

靈 力 由 求

---

今之牧者。大缺感力。彼此差同。無或殊異。牧者辦事。志氣何卑。常以人謀。倖冒天功。每以己力。致人悔改。不論各界。或怪異。差忒。外道。俱欲憑己力。已法而化之。豈不異哉。須知此職。上帝所設。上帝必欲聖之。治之。理之。故牧者言語。必以靈力。不以人情。倘牧者人情太重。當卽加添虔敬。服事上帝。

## 第十章

世界在罪惡之中。男女聖徒。其人數甚少。傳道聖人。其人數亦少。教會或大進步。魔鬼卽大肆力。詭譎甚多。勾引新法之人。成其籠絡之計。宗教之事。宜以活法爲之。得法乘時。致成諸事。以榮上帝。勉。聖徒之祈禱。應當懇切。致高大之益。可由聖靈以得之。保羅。屈膝求賜。以弗所人。中心剛健。基督以信居心。於愛有根。有基。能與諸聖徒。悟其長闊高深。而知基督之愛。超越於知者。以上帝之盛滿。而得盛滿。以巴弗爲哥羅西祈禱。令得成全。篤信。而立於上帝之全旨。使徒不論何時何地。俱以祈禱爲。

靈 力 由 求

事。所欲者卽上帝之子民。同心合信。成爲帝子。而獲耶穌基督之全備。故當時信徒甚進步。不然至今猶爲矮子。而未長成爲壯夫也。

引導世人脫離罪惡。男女合會。率憑熱心。此乃世界至美之事。皆在耶穌基督之內者也。男女進步。惟由聖靈。非由金銀智慧才能。蓋人力不足成上帝之事。上帝靈也。活也。人力死也。肉也。

聖徒得力。惟由於靈。以愛而燃。烈烈如火。祈禱信德。熱心奮興。有加無已。此皆信徒所必需。所必受者。是故上帝之力。因此大顯於衆民。

惜哉。上帝之國。上帝之功。於今莫覩。名譽寂然。如此何也。非

靈 力 由 求

六四

爾曹之缺乏阻之耶。教會缺乏。常思英才。英才固善。學問亦善。威權名譽貴品。亦無不善。然用此者。皆不足以成上帝事。上帝之事。有若高大之鐵機。汽力則爲運動之。人力則不能推移之。英詩人密勒登羅馬。霸伯李阿。亦不能運行之。惟巴尼抑列文司吞耶德遜先生。則能運行之。彼爲上帝之事。爲人靈之事。均能出汽力。以行此高大之鐵機。其汽力中。並無世情人慾。惟有祈禱道德。以是凡世人之兇殺危險。莫不爲其汽力所止息。

敬虔之性。乃由祈禱而來。蓋性不自進。而祈禱則使虔敬之性。升高而增進。虔性與祈禱相合。是猶身體與靈魂相合。心與生命相合。然無虔敬。則無祈禱。無祈禱。亦無虔敬。祈禱與

靈 力 由 求

虔敬。固兩相維係者也。

傳道之人。應當聖潔與敬虔。身靈才力。一切宜歸上帝之任。使漫曰。我職同於醫士之治人耳。同於法士之論律耳。同於官吏之供責耳。如此則遠矣。上帝之立此職。由於人之虔性。與及上帝之感動。故凡想望尋求。俱爲上帝而爲之。如此則與上帝爲近矣。飲食之於身體。生命之於豆羹。性也。而祈禱近之。祈禱之於人。亦飲食豆羹之類也。

傳道之人。何事不可爲。然敬虔專一之性爲第一。何人何事。方可對越上帝而無愧。亦惟此敬虔忠烈之性而已。故敬虔忠烈如保羅者。上帝卽召之僕之。以成事功於教會。敬虔忠烈如庸人者。上帝卽唾之棄之。卒於事功無成就。心性品行。

靈 力 由 求

六六

無敬虔之顯露者。傳道無所益。敬虔則輕於鴻毛。口才則大於亞保羅。如此者。譬猶侵晨之露。遇日則晞。傳道之人。奉事上帝。敬虔專一之性。無人可代爲之。專於會事。專於思想。專於組織庶務。專於諸般正教。如此者。宜自防。恐涉於自恃。自悞。自足。蓋此非善。惟引人以至於虔敬。專一。則爲善也。

傳道之人。熱志虔心。爲屬於主名也。生命進步。爲屬於主名也。其餘世事。皆等於出岫之浮雲。故感動己心。不以主名。弗爲也。世事撓心。阻礙主位。弗爲也。世界何事。能得其心。惟有耶穌而已。

傳道之人。由主得感力。生命包於感力之中。懇切祈求。駸駸



靈 力 由 求

進步。所得所成。皆依於主。所求所法。不倚於人。蓋知上帝在  
我中。而所求之事。得成全。  
世界之祈求久矣。以祈禱之據。顯福音之力者。卒無一人。何  
耶。虔誠之熱志不足耳。是故祈禱不虔。上帝之力不顯。而謀  
爲之事。則不成。祈禱無心。而高大聖潔之事。則不見。世界新  
學日新。工藝居室。事機遊歷。皆與平日不同。可謂知教化。而  
啟文明矣。然此皆人世表面之時代。非耶穌聖潔敬虔之時  
代。固不可相提而並混也。耶穌臨世時。猶太之熱心。超越於  
從前。文士彬彬。號稱黃金世界。然而釘死耶穌。斯文何在。黃  
金何在。且祈禱之人。多於從前。而真祈禱者。杳不可見。祭壇  
獻祭。多於從前。而真祭之人。少於向日。誠心之人。不可得聞。

偶像雖少。而人心之偶像多不可計。進殿祈禱者甚多。真心之人不可得辨。徒有口唇。並無實意。口言事上帝。心與手。則釘上帝子於十字架。人人俱守禮拜。聖而善者無一人。惟聖徒則不然。由聖靈得感化。由敬虔祈禱而得能力。品性行爲。無不聖也。聖徒真實。而其祈禱亦多而且實。真實之祈禱加多。而上帝之眞徒。亦因之而加多。

靈 力 由 求

---

名牧某。達友書云。余切勸足下。尋之求之。與主相親。日進日益。至於聖所。得其奧義。余心中殿幔。闔而不開。無門進見基督。時復自憂。心腦善忘。上帝之至愛聖所。或不能入。或不盡入。聖所路長。必黽勉祈求。庶在彼處。得遇我主。足下與余。應當共勉。為主耶穌。苦勞不惜。遇之接之日。尋時機。行由此路。力爲此工。早晚卽得與主相親。

## 第十一章

古今來上帝常以傳道人之虔誠。顯其大力於世界。而傳道者之於世人中。經營引益。世人皆諳練而深嘗之。由是上帝尊之。祝之。立之。天國在世。因之而益進。且祈禱懇切。不論何等大事。皆措之裕如。不寧維是。而性行聖潔。發現於教友生徒者。尤千萬人共知共見。固知上帝之恩在彼。甚爲洋溢也。巴尼抑大衛。一生事蹟。上帝以之。讀其歷史。想見其爲人。殆非尋常所可比也。不論處何時地。皆矯矯鶴立。卓爾不群。智慧才能。俱出人頭地。某學校證之云。巴君人材第一。才力言論亦第一。口如懸河。道如山嶽。年當弱冠。老成之人不及之。造詣甚深。而上帝之施之者。亦迥異常流。某校長云。自本校

靈 力 由 求

畢業者。人數若何。少長若何。要無一人。可比巴君。祈禱無力。不具教化。無人不宜。志氣無時不切。肩負道統。勉行職事。然而大會牧職。彼不羨之。世界美名。彼不居之。博士大人。彼不爲之。居恒常謂。故邑樂郊。非所願兮。緬彼紅人之未信兮。爰入紅人之土而居之。紅人好殺。林棲穴處。不知棟宇。棖題之爲何。巴君安之。殆上帝大恩。於世外桃源。別留一洞天福地。以與巴君。盡其職事。卒至眞道之光。生命之力。林棲之人。莫不沐春風而坐化。雨其初。紅人不知教化。如病似死。猙獰萬狀。而巴君不以爲嫌。交友習話。油油然樂與之偕。時或用人繙譯。宣傳眞理。時或屈膝終日。專事祈禱。土人因之大革舊習。反卑污而爲聖潔。敬虔歸主。去罪滌非。設立教規。會集禮

靈 力 由 求

拜。章程嚴整。靈力帝恩之盛滿。沛然莫之能禦。俄頃間事也。舍巴君一人。誰克任此。巴君於自己之勢力作爲一無所恃。所恃惟上帝而已。以故自始至終。上帝萬能之力。源源滾滾。無所間隔。皆萃於巴君一人之身。致巴君之於彼土。有若一水盈盈之江河。高深廣濶。時沛上帝之恩於衆人。紅人之土。非佳土。紅人之俗。則兇殺號呶。以人力推之。終無重生改革之一日。庸詎知上帝用巴君一人。而至難之事。卽以成。卑污罪惡之地。一變而爲清淨樂園之境。於此當知上帝用人不在多。巴君正人。上帝喜之。故所成大事。不可言喻。終其一生。惟聖潔與祈禱而已。且巴君當時日記。至今猶存。披而覽之。皆禁食祈禱。敬虔對越上帝等事。每日祈禱。常以數點爲期。

靈 力 由 求

嘗云。余反已居。靈魂獲望。克己自制。禁食離世。日惟祈禱。與世無干。代供主職而已。爲求世物。延生一刻不爲也。又記祈禱云。親於上帝。全體清香。其力大滿於余。我魂全向於主。所望者大上帝。皆爲我成之。設立此日。以爲禁食之日。祈求上帝。祝福引導。大工之中。偕主有成。傳主福音。故主照余。滿面光華。清晨力乏。祈禱未申。下午蒙助。卽能力禱。並爲遠別之友求之。會間上帝臨於祈禱中。我之靈魂。感切疼苦。弱不勝情。惟上帝之恩豐富。當前開示。鬼物莫阻。爲遠友祈求。爲世人祈求。爲千萬將沉之人祈求。爲各處信徒祈求。迫切之心。異常感疼。清晨上午日落。全身汗濕。此非等閒之事。唉。主爲人魂。汗如血下。況於我人。故當祈求上帝。憐恤沉淪之人。祈

靈 力 由 求

禱已罷。覺得四圍所裏。皆是上帝之恩愛。臨睡之時。依然與心不離。實上帝之祝福也。

人之言曰。讀巴君日記。祈禱之工。人中罕有。其傳道之力。由其祈禱而來明矣。祈禱力大。故其所得能力亦大。畢世爲之。無時止息。在巴君誠有以然。不論日夜。或傳道時之前後。皆疊疊爲之而不倦。長途遠征。馬上祈之。竹籬茅舍。寄宿祈之。山陬林麓。駐足祈之。刻刻而祈。日日而祈。兩午而祈。禁食而祈。灌魂而祈。偕帝而祈。祈求之力如此。故所爲之工。亦以得力而成之。其人雖逝。其蹟常存。遺響於人。至於永遠。越至彼日。與主同榮。而列諸聖之座宜矣。

校長某云。考巴君之事。祈禱之法獨勝。亦所以垂示將來者。



靈 力 由 求

---

也。其用力如兵。著著求勝。亦如競趨者之望賞。必永如願而償。仁愛之心。根本耶穌。拯救人魂。勞力甚大。其心甚烈。非徒口舌。非邀譽人前。非自恃一己。乃日夜祈禱不息。劬勞有如孕婦。臨產號呼。以俟主狀。成於人心。又如雅各。終宵與天使角力。以至所求。皆得成就。

靈 力 由 求

---

牧師某云。未能感激己心。安能感激他人。非由良心而出者。則他人之良心無由入。牧師某云。晨起備事。用腦過於用心。時或看書。亦後心而先腦。如此皆非也。故以祈禱。改歸正法。主歟。我失正法。何其易哉。畀我醒悟。頓出迷津。致凡事俱以誠心爲先。且廣余心。得爲真實之傳道。

牧師某云。預備經題。用腦過於用心。則所傳者。必無功效。以益聽者之心。

靈 力 由 求

第十一章

祈禱有多類。所關非一事。故口才言論。完備自由。必由祈禱。以得力。宜爲傳道祈禱。致其心清正。其口玲瓏。其所出者。皆滿祈禱之力。聖潔之口。由祈禱也。由多多之祈禱也。侃侃之口。由祈禱也。由多多之祈禱也。保羅之口。於會於世。於天於上帝。其益何大。非由祈禱。則不能也。間嘗思之。祈禱至奇異。至無限。至寶貴。至裨益。傳道之人。諸路途。諸事務。諸法度。非祈禱。則不能成功也。故大益之事。由祈禱。建造心德。由祈禱。祈而又祈。禱而又禱。而傳道之人。竟變爲祈禱之傳道矣。傳道之心。專於題目。由祈禱也。傳道之人。專於傳道。亦由祈禱也。傳道何所能。惟此誠心而已矣。是故誠大者。傳道亦大。誠

靈 力 由 求

小者傳道亦少。誠小道少。乏善足陳。必無事功以見賞。備人之於羊群。其益少。善牧之於羊群。其益大。何則。愛與不愛。識與不識。故也。故善牧牧羊。能使其群皆飽足。惜哉。傳道。牧會治群。惟以經題爲工。誠心之工。則未之知也。臨題用心。勝於用腦。故所備者。宜爲用心之題。不爲用腦之題。心既備矣。題卽從之。否則心題不易爲。萬國之書籍甚多。其中談經題者。恆河沙數。後生少年。讀之。卽以爲傳道之法。在於此矣。其實皆建屋之模棚耳。眞屋猶未之見也。天道學之學生。亦是如此。書籍必求其多。文字必求其雅。言語必求其悅人。凡此皆在模棚上用工。非在實際上求益。相習成風。於今爲烈。恃才過於天恩。恃口過於敬虔。恃言語過於默示。

靈 力 由 求

恃名譽過於聖潔。爲此傳道之眞力皆失。而聞道悔罪者之良心。信徒向主之堅品。傳道治心之權柄。亦並皆失去。如此傳道終無結果之日。欲求結果。惟在眞正之傳道已耳。余非曰。傳道用腦之工過大。嘗見有不學者。無學者。不足者。不用正法者。非上帝之所悅納者。傳道所憂所缺。不在知識。惟在心德與聖潔。如此之憂。是其實事。知識固有。惟禁食祈禱。儆醒求道。則不足耳。不備自己之心。卽是阻擋眞理。上帝之嘉言妙道。卽眞理也。與心有霄壤之隔。電報爲何不通。有事阻滯則不通。有物阻止則不通。小物礙電。而電卽失其自然之力矣。好自高。好名譽。好大位。如此者。令傳一虛己成人。取僕之貌。

靈 力 由 求

八十

之福音能乎。我知其不能也。（見腓立比二章七節）

兄弟乎。爾思之。好驕傲。好繁華。好自恃。如此者。令傳一溫柔謙遜。負軛學我之福音能乎。我知其不能也。（見馬太十一章廿九節）

心則猛烈易怒。性則頑梗易驕。身則俗染甚深。如此者。令傳一慈悲克己。矜恤愛憐之道理能乎。我亦知其不能也。此而不能。其他更不能。而辭世俗。釘十字架之道。更孰能傳播而宣揚之耶。

居職如傭人。內則失其心。外則失其節。如此者。令傳一良牧爲羊捐生之道理能乎。我知其必不能也。（見約翰十章十四十五節）

靈 力 由 求

城狐社鼠以爲心。錢財衣食以爲念。如此者。令傳一損失萬事。視爲糞土之道理能乎。必不能也。（見腓立比三章八節）上帝之道。不藉人才爲光燈。不用學問爲能力。不仗腦力爲光明。不倚勢力以授世。所需用者。惟小子無僞之心性。與及馴良謙遜信德而已耳。保羅且然。保羅於人才智力。則卑下之。於聖靈感化。則高上之。不以智能才力爲誇。乃由遜心服化而行。故於使徒之中。芳名至今猶烈。卽千餘年來。教會中之老成名宿。亦莫不然也。改正教中有之。天主教中亦或有之。今者教會所需在何。卽在此備心之法已耳。路得馬丁云。祈求則心備。心備則學習不難。此教會自然之正理也。傳道之人。非曰。勿用思想。勿用腦力。惟曰。心力優於一切耳。

靈 力 由 求

心而能備。一切腦想。因之而益美。傳道之人。非曰。勿學。惟曰。聖經優於一切耳。宜專心致意。常從心上用工夫。傳道之人。非曰。勿識人。惟曰。知己最難耳。倘能明知己性。然後即易知他人之性。腦譬即溪澗也。心譬即水泉也。溪澗欲其深廣。水泉欲其洶湧。然而泉必清香暢旺。溪必常流不穢。否則乾濕無常。穢濁間作。亦何取有此水泉。溪澗爲哉。

傳道有人。足智多謀。心思泉湧。微言奧義。信口而出。然而上帝之恩。聖靈之感化。則寂然不可一見。漠然不可一知。

傳道有人。祈求得力。克己勝罪。心服於謙。身服於信。愛行服於真理。矜恤爲懷。侃侃爲志。如此者。道德滿於中。德行孚於腦。所出之福音。必令聽之者。良心大感發。是真傳道也。是真



求 由 力 靈

---

耶穌之所愛惜者也。

靈 力 由 求

---

名牧某云。慕職之少年乎。不可徒爲口佞之師。昔耶利哥之圯毀。惟以山羊之角。其力由何處而來耶。祈求耶穌。卽得傳道之言。彼能祝爾。而資爾所缺。無論何事。不拘多少。由主所資。勝於一切。口如江河。心如水泉。道由心出。亦是如此。勿事辯詰。勿與人敵。惟與魔鬼爲敵。所求無他。惟求耶穌而已。

## 第十三章

於此有福音焉。將用何法以救人。其腦力乎。其人才乎。其光明乎。其思想乎。皆不能也。所能者。惟心耳。由心所流出者。卽能流入他人之心。世無大力。惟心力爲大。於世有益。與人爲美者。亦此心之德已也。誰具性德。誰得大名。乃立心行德。大修心力者。誰能悅主。以致和平。亦心德具備者。上帝有愛乎。上帝之愛爲至大。因愛而有天。因愛而有天堂。高莫高於天堂。香莫香於天堂。其建造天堂。非由腦力。乃由心力也。傳道名世。非由腦力。乃由心力。宗教之事。亦以人心爲重。非由人心。不能建立。傳道益人。由心言也。聽人傳道。非聽其口舌言辭。乃聽其心思德力。服事上帝。貴以專心。貴腦力者。不見信。

靈 力 由 求

於天堂。世界有大錯。卽傳道者。用腦力過於祈禱。用腦想過於心想。傳道本身。應由善心而出。天道學授徒。何爲要道。推廣其心。增益真理。卽爲要道。羊能愛牧。由牧者有愛心之維持。才能本領。雖亦爲羊所並重。總不若心力爲至大。愛心之譬權柄也。心力之譬殿宇也。有耳者其聽之。善牧爲羊捐生。由心也。非由腦也。令人之生命與心。服於一理。由心也。非由腦也。牧者有心。膽量必大。膽量固由心出也。雖有人才智慧。又有膽量之名稱。未足與心相提而並論。傳道之人。以腦充事。易於以心充事。以腦爲題。易於以心爲題。是倒行逆施之道也。心必得力於天。然後方能引人以向天。否則不能也。世多禍患慘怛之人。傳道將何以慰之。必悽憐與俱。矜憫爲

靈 力 由 求

心。庶幾彼之苦境。容易度過。不然窮愁鬱鬱。度日如年。其苦何可勝言。耶穌於世爲人子。受苦固多。遇苦亦不少。然而處已待人。道德之心。無少間斷。誠古今第一。生民未有者也。經云。兒乎。以爾之心與我。是上帝所索於人者也。至於今日。豈獨不然。是故無心。卽無傳道之人。掛慮衣食。是無心之尤者。多人可爲傳道。惟由於貌。不由於心。上帝不在其中。欲居首位者。其心爲至下。播真道之種子。不以誠正之心者。無與於上帝豐年之收穫。心靈之學校在密房。修道學法。藏書樓。不及密房之優勝。耶穌哭爲聖經中至短之一節。（見約翰十一章）

然全部新約。無一節大於此。何則。亦心也。經不云乎。淚而播

者必喜樂而收成。在再來之日是也。祈禱益於傳道。明心拓智。壯思廣想。皆由之而出。密房卽傳道人。之學校也。至善之教習亦在焉。牧者切祈。謀慮可成。而奧義可以見。不祈則不能也。祈則思慮亦能見。奧義以祈禱比讀書。祈速而讀遲。或相倍蓰。或相什百焉。蓋有讀不能明。而祈卽能明。讀久不能曉。而祈卽能曉者。休言藏書不富。密室之藏書爲至善。上帝之書勝於世俗之書。蓋有多事。非世俗之書所能訓解者也。

靈 力 由 求

---

西波仁先生云。密室自祈。有一事至大關要。言語不能形容。比喻不能叙述者。即所謂傳油之靈浸是也。真靈浸由上帝而出。否則假也。偽也。欺騙也。得之將如何。必由切求。久求。熱心之求。則能得之。

## 第十四章

九十

挪客斯先生云。英國教會。景况悽涼。予友韋斯來之美。以美會外。不見一會。可感人心。傳道之力。概行失去。夫人心之於道德。契合出於自然。出於傳道者。乃道德之正理。入於聽道者。卽吻合與大益。不觀化學乎。元精之子。爲至微。亦具反背吻合之定列。出於此。而有合於彼。卽適然而無間。出於此。而有背於彼。卽反背不相成。耶穌與二徒。同往以馬迺言。談之頃。二徒之心。熱不可遏。何耶。亦心。情與道德之感應也。傳道不得熱力。則必不能化人。不得靈浸。則必不能建己。國教無此。他教亦無此。惟美以美會。因此致人。數盛滿。不可端倪。余亦國會之人。書士之弟子。數年過從。守日聽書。無一牧能感



靈 力 由 求

予心。如是舍美以美。則無他會可去。美會先生。非無奇怪向背之情。惟靈浸感力。則騰騰莫遏。日前嘗遇一士。雖非大才。惟所傳聖潔真理主證。懸河之口。不如之。何則。言言由心。語語由靈。傳之者活潑生動。而聽之者亦精靈感應。此道德引人之憑證也。

傳道無他法。惟靈浸爲至上。不知靈浸。不可爲傳道。失落靈浸。卽失傳道之秘鑰。經題之旨。口才之妙。訓罪之法。皆深知而熟悉。惟靈浸失去。則一切皆不足道。靈浸熱力。乃上帝之真理。可以引人。挽人。議擬人。不可以拯救人。建造人。使眞理生活者。靈浸也。賜人生命者。靈浸也。傳道如何死。無靈浸也。聽道如何死。亦無靈浸也。

靈 力 由 求

所言皆眞理。腦力甚重。人材甚佳。析理甚精微。心思極智巧。若無靈浸。則一切皆致死之工已耳。

西波仁先生云。甚矣靈浸之道。極腦力之思維。盡口才之宣講。不足形容其萬一。靈浸如有也。言者知之。聽者亦知之。靈浸如無也。言者或知之。聽者亦或知之。是靈浸之道。可以神會。不可以言傳。復不可以筆墨形容。不得靈浸。如撒馬利亞之荒年。旣得靈浸。如耶路撒冷之節祭。清晨踐囿。露珠纍纍。葉上枝頭。千丸萬顆。以楮墨形容之甚難。以他法創造其顆粒尤難。靈浸之奧義卽此也。心固知之。而口不能言。物固見之。而摹造卽爲假。非人力所能爲者。不可勉強而妄爲。妄爲罪也。非他物所能比者。不可勉強而妄比。妄比惡也。眞靈浸

靈 力 由 求

---

無物可比。世界之寶不如之。常缺者是此靈浸。應有者亦是此靈浸。建造信徒。是此靈浸。引入歸主。亦是此靈浸。

靈 力 由 求

---

英||牧師訓人爲牧云。大家傳道。非爲暫時。乃爲  
永遠。故言道之時。宜備心靈。則所出者。合符上  
帝之旨。由清潔之良心。與滿靈之道心出者。一  
言勝於萬言。由不信與罪惡之心出者。萬語不  
及一語。榮耀不歸於人。惟歸於上帝。上帝之作  
爲。人目不及見。如或屏帳可啓。則一切之仁義  
建立。多由子民之祈求。而施出也。

## 第十五章

靈浸之道。無何定擬。無何端倪。盡人而知之。蘇格蘭牧師某云。靈浸爲何。無能言喻。不可稽考。物則非物。法則非法。只可意會。不可言傳。究不知其來奚自。其感力甚巨。揭心門而款念奧。若直由上帝而出者。倘欲得之。惟有一法。傳道之人。心性靈魂。常與上帝契合。卽能得之。得者卽能知之。靈浸之道。爲何如。希伯來云。上帝之道。活潑而有力。利於兩刃之劍。凡魂與靈。節與髓。無不剖開刺入。心懷意念。無不鑒察。是卽靈浸之道也。傳道之人。得此靈浸。則言辭爽朗。罪惡死亡之人。莫不受其攻擊。剖刺。莫不奮興震怒。反悖仇對。由反對而掉頭不顧者有之。由反對而悔改從道者有之。而傳道人之真

靈 力 由 求

假更可以此而分辨。道本無歧異之分。人本無真偽之別。所  
可分別。惟在靈浸而已。未得靈浸。文字雖滑。語言雖善。冷淡  
如墳塋耳。

平康逝世而未醒。既得靈浸。力自天來。火由道出。奧義縱橫。  
生命洋溢。仇人窶子。亦莫不拜受生命之恩賜。靈浸入心。定  
罪人之罪。感化激刺。莫可抑遏。罪人遂嗚嗚咽咽。繼之以哭  
泣。

人我何由而分。真偽何由而別。內外何由而判。有無何由而  
見。亦惟在此靈浸而已耳。靈浸貴有心得。非心得不可爲靈  
也。浸靈浸臨於人。卽上帝之作爲臨於人。傳道出言。是其管理

靈 力 由 求

傳道有大工。切求之。思想之。禱告之。上帝之力至之矣。心則靈明。腦則健強。道則堅穩。靈浸之真理常偕之。上帝之工成就之。腦力心力增進不已。清淨聖潔仁慈不可言喻。益會之力不可窮測。

傳道牧人。多結靈浸之果。其心則高深廣濶。其腦則安逸自由。其恩則洋溢充足。言語則侃侃。有真誠而無詐僞。凡此非由人法而然。乃由上帝之力而然者也。

熱心與殷勤。未可謂之爲靈浸。惟得靈浸之福音。熱心與殷勤亦因之而並至。傳道者孜孜矻矻。其工可謂勤矣。要之與靈浸相離尙遠。由來真僞常相類。相類多者。相混亦甚易。非具靈浸之權能目力者。則不能辨之。是故殷勤擗節。熱志耐

靈 力 由 求

久。傳道者常立此意。以施於事。然而持之甚堅。處之不倦。用全力以赴之。而不惜。頗知人力幾何。而其事之能升高。亦幾何已耳。

人力之殷勤甚大。全其身。畢其心志。盡其腦力心思。竭其口工才作事之範圍如何。力之成就亦如何。如此亦可謂殷勤矣。然上帝之靈不在其中。所成亦惟人力而已。何則。中多人力故也。

法度甚多。口才甚善。心志極迫切。措事極超卓。力量才能。無人不。服。如此亦可謂善矣。然而靈浸之力不在其中。所得之火。皆由己手而來。非由祭壇而來者也。

傳道或甚激烈。口才勉洽。心志強健。然非爲主。乃爲自己而



靈 力 由 求

然於此。須知世人之如此者甚多。其殷勤勉力。獨爲自己而已。惟由靈浸者則不然。其傳道爲眞。其所爲者亦無不眞。是故由腦力口才。與由靈浸者。其分辨原自不難也。一言以蔽之曰。傳道得靈浸。則所傳如利刃。不慰者聞之而得慰。有罪者聞之而議罪。不安者聞之而獲安。感人如露。草木皆歡。靈浸之來。非由讀書之力。乃由密室之求。天父之許。其注於人。有如天露。其顯於人。有似靈膏。盈於身軀。滿於腹背。感於心志。資於缺乏。罪者責之。悶者起之。乏者加之。其所傳出者。有如炸石之炸藥。如鹽亦如糖。善能察人。罪人乎。帝子乎。不難立刻而辨之。能令人淚下如珠。能令人堅立如柱。能令人爲謙謙君子。能令人心胸開豁。能令人捐貲解囊。如春風之

靈 力 由 求

---

啟條枚。非由人才。非出學校。善口才不能召來之。善勤工不能召來之。大牧者之接手。不能召來之。蓋此爲上帝之恩。非股肱家人。不輕施予。非忠心義膽。密室祈求者。不輕施予也。勤勞非不善。才能腦力。非不足感召人。然而人力輕微。較之天來靈浸。相懸霄壤。是故釋罪人之縲綫。引信徒歸上帝。資世人之進步。使教會成聖潔。非由靈浸。則此福不易得也。

靈 力 由 求

---

英國某牧師云。爲牧者。盡出其力。如無靈浸。其力成空。其變成惡。靈浸由天。注滿牧人之職。畢世工程。津津有味。如此者。其始視聖經爲第一。其終視聖經與祈禱。亦爲至寶者也。

## 第十六章

一零二

新約救法。靈浸爲上。傳道者得此。則上帝之憑准在於是。區別職任亦在於是。上帝定制。使傳道者由此。得傳救世之福音。否則所結非靈果。上帝必不悅之。蓋己力如何。所得亦如何。不能於己力之外。而別有高大之作爲也。靈浸臨於傳道。彼於福音。卽能多結善果。不得靈浸。則此果終不可得。今之傳道。多欲爲益於人。惜乎其工。非上帝之施予。非福音所預備。未爲合宜之作。靈浸有真。而亦有僞。砒砒之於玉。魚目之於珠。初甚難分。久之則真僞不難立辨。由其所結之果而知。初則相類。久則大殊矣。

靈 力 由 求

傳道牧師。聲名法則。語言流淚。無一不奮興盡致。似皆出於靈浸矣。惟不久心力焦枯。不能令人悔改。不能慰人破心。不能稽察罪由。不能醫治罪病。考其原來。純用人力故也。惟由靈浸者則不然。傳道之真假皆能辨之。由靈浸則上帝之力可得。福音之道真傳。所出者即能通人之心念。由靈浸則腦力高強。道理明晰。凡廣大高深。光明富庶之處。莫不登堂而入室。由靈浸則傳道之心。備於物理。誰爲慈心。誰爲聖潔。邂逅遇之。即邂逅識之。由靈浸則傳道者措事自由。心胸開拓。靈魂溢樂。口才法度。卓異於人。不由靈浸。孰爲傳道。所出之福音。亦等於他書已耳。由靈浸者。上帝加印。視爲己事。如此者。福音寄付之。不如此者。福音

靈 力 由 求

一零四

未寄付之。傳播福音。以力不以靈。卑下也。人智也。人意也。其害近於異端。惜哉。今之傳道。久矣。其所執者。常不足。學問甚多。才力人情。說話亦甚多。人皆以此稱之。彼亦自以爲髓肥腦滿。名聲應由此出。其實渾無靈浸。所執之力。惟等於水耳。水花浪藻。佳則佳矣。以攻石壁。堅壘。但見浪花淘盡。而壁壘則屹然獨存也。世界人心。固閉如壘。將何法克之。恃用人力。亦等於浪花之淘壁壘已耳。

靈浸如何可得。惟由奮興之力。則得之。靈浸有常。亦由奮興有常。傳道得此。上帝之工皆奮興矣。其餘他事他力。欲知其作爲如何。惟視其奮興之力如何。人應知之。上帝之力臨於牧人。此卽真正之奮興。上帝之工夫。常以此而區定。此外奮

靈 力 由 求

興尚多。皆非出於上帝。故無靈浸之施與。今者靈浸所缺甚多。牧人與教友。其匱乏也。不相頡頏。奮興靈浸。有若上帝之油。上帝之手。以此注入。令人心性靈魂身腦。無一不潔。區別之。使爲正人。不入於世俗驕奢以自污。惟入於上帝之全工。以爲聖。耶穌云。勿意我來。以施和平於地。我來非施和平。乃施劍耳。如是傳道。以福音覺世。劍事卽因之而起。否則冷淡有如墳塋。徒具字文。並無劍事。是傳道之不足爲傳道也。靈浸若至。諸事皆大改觀。道理有靈浸。才力宣傳。亦有靈浸。致凡聞之者。皆愕然憬然。手足無措。昔非今是。遂改悔而變遷。此卽上帝之所選。此卽超凡入聖之所分。靈浸不至。則不能如是。諸凡皆枯槁之物。死亡之餘已。

靈 力 由 求

一零六

耳。且靈浸非曠世一逢。畢生一現。亦非如歷史之載事。羅羅  
清疏。畧舉大綱。必日日祈求。時時禱請。於事方足有濟。傳道  
者今日得之。今日傳之。固不可一日無此君也。  
經云。基督之形狀成於爾。視哉。何法以致此。無他。由於靈浸  
與福音耳。否則不可得也。靈浸之力。至高無比。傳道者之識  
力事情。與之甚有關係。別項之力。甚卑下。俱不足以成上帝  
之事。故得靈浸。萬事優爲。而無虞其不足也。非由強求可得  
而得之。若有定規。然何爲定規。祈求不止。虔誠懇切。有若鹿  
之求泉。如此則能得之。則能優於萬事也。  
靈浸常在。在一。其法將如何。日日得靈浸。其道將何從。亦惟  
祈求而已。祈求懇切。聖油滿心。非用口舌。乃以心壇。如此卽



靈 力 由 求

---

能得之。然而祈求甚多。反覺靈浸時作而時輟。如此何也。曰。曠野曼拿。多收則蠹。日收則不蠹。靈浸之道亦然。久積或反不靈。今日需之。今日求之。日日如是。而靈浸自終無已時矣。

靈 力 由 求

---

韋斯來云。余得傳道百人。彼所畏者。犯罪致愆。彼所求者。唯一上帝。如此者。不須問之。嘗受按手否。是爲牧師。抑爲平民耶。惟知彼必將破滅魔鬼。取勝地獄之門。而建天國於世界之上也。

## 第十七章

昔十二使徒受職於主。知祈禱至要。應作之事甚大。倘無所恃。則所受巨任。誰克稱職。故應黽勉。千百於人。凡所委付。庶能盡之。於是羣尋祈禱。必不使他事。阻礙祈禱之時機。設或有之。必起立會中。選舉委辦。專司庶務。致十二徒得日夜專心祈禱傳道。而播禮音於萬民。夫經非先言祈禱。而後言傳道乎。祈禱之重要可知已。故使徒爲其職任。常專務之。全心盡力。無論得時與不得時。皆疊疊爲之。儼然定例。自彼而立。聖使徒爲天所召。其分屬天。以是盡力。常務天國之事。保羅因教會因職事。嘗云。日夜祈求不已。於達各會信札中。尤見祈禱之事。殷勤周至。

靈 力 由 求

一十

新約之人。嘗定主意。恒常祈禱。致天國臨至。上帝之力。洋溢於各處聖會。使徒不自欺。知上帝所付其職。聖而且巨。有宣傳必宜有祈禱。不可畸輕畸重。缺於祈禱。而令傳道單行。蓋人之悔改。多由祈禱。而未盡由於傳道也。使徒知之。不敢輕易置之。是以勞身拆節。屈膝卑躬。祈禱與傳道。兩者並行。不敢偏廢。疊疊而爲。日夜不輟。以致信者爲純良聖潔之民。而己之信德。亦根深蒂固。樹立全備。此外求立求建。亦悉關信者之事。俾得興起卓然。立於教會之中。

今日之爲傳道者。基督學校。未嘗登堂而入室也。密室之祈禱。不爲之。羊群之代請。不作之。是與未習傳道。無二致也。嘗學講題。工密而謄寫甚多。嘗憑口才。言多而傳播甚廣。惟基

靈 力 由 求

督學校。不得其門而入。則所作之工。皆軟弱如水。今之牧者。桃李在門。莫不欲聖欲善。因此迫切恒求。冀得天恩。蔚爲佳實。步趨瞻仰。咸以聖善相期。如是之祈求。所關於徒爲至大。

昔使徒沒後。數十年間。進會者極形擁擠。然而迷惑者有之。慕勢者有之。異端左道亦有之。羞耻著於簡編。燈臺失其光燄矣。

傳道能學十二徒。則教會自有復興之日。而使徒之時代。猶能再立於世界。如此則燈臺可以復光。羞耻怯弱之事。皆消歸無有之鄉。

代人祈請。其事不易。靈魂聖性。心力希望。俱應誠懇激切而

靈 力 由 求

爲之。

眞誠傳道。則獻身爲祭。以代祈禱。致信民得救。非由尋常。乃由大能。十二使徒。早已如此行之。致得救之事。完備而無缺。而人之蒙此救恩者。非由幾許思想。乃由彼之祈禱。而得盛滿於上帝之盛滿焉。

保羅受職爲天國得民。非但由於傳道。自知必由祈禱。故常爲此。屈膝於主耶穌之父。懇勉而求之。是以門人。獲進於聖潔。與生命之途者。由祈禱之法。較由傳道之法爲獨多。以巴弗欲哥羅西人。成全篤信。而立於上帝之全旨。故亦恒常爲之祈禱。

傳道者。信徒之師表也。教會之興衰由之。靈品由之。持携由

靈 力 由 求

之。世界之改變亦由之。學堂之利益亦由之。其關係爲何如耶。教會屬上帝。上帝亦常用人力以治會。帝恩人力兩者固未嘗偏廢也。保羅云。我儕有此寶。在於土器。如是上帝之教會亦在於衆人之中。教會興衰。關於傳道之牧者。傳道心念性情。俱有靈浸。則其會必因之而興。傳道品性行爲。天人參半。則其會必因之而衰。傳道品詣冗雜。則其會必因之而冗雜。不觀以色列人乎。其百姓如何。其王亦必如何。故教會之熱志。能超越於傳道者。從來未之見也。

牧者具有靈浸。行於民前。其民福哉。牧者具有俗念。行於民前。其民弱哉。不觀以色列人乎。衰敗之時。卽幼主行於民前。故預言者云。不望上天之祝福。則婦孺將以非法治民矣。教

靈 力 由 求

一四

會能進步。必多爲導之師。否則有退而無進。爲牧前民。其益人惟靈浸之祈禱。迫切祈求。則凡事可進。得上帝之力。克自己之思。則所傳者。皆代上帝而爲言。如此傳道。卽爲合宜。不事密室之祈禱。不由上帝得福音。如此傳道。卽不合宜。自己不熟。未有能熟人者。自己不心乎帝旨。未有能以帝旨宣諸口者。惜哉。今之傳道。未得靈火。口唇不潔。口舌焦干。並無靈賜。人固知之上帝眞活之言。非盡由於口唇。傳道任職。宜密室之中。常通上帝。否則其職爲空職。於宗教無益而有害也。依職能言。饒有趣味。惟爲學問中人。非爲祈禱中人。以較彼迫切祈求。仰望帝力者。相去何遠哉。

傳道不祈禱。於上帝之眞理與教會。特一樞夫耳。棺上多花。



靈 力 由 求

團點綴甚佳美。亦死者之事。樞夫之事耳。基督徒不祈禱。經書與真理。永遠不能識。此理也。與傳道之不祈禱將無同。傳道不祈禱。則無以教人。而千萬年之永福。因此而失去。教會不前。民以求。不切心而禱。是抗拒救主之蒞臨也。是苦難痛楚擁蔽而未決清也。聖會不事祈求。而思獻祭。拙也。不思獨一之祭。卽爲祈禱。今世傳道。專誠祈禱。有若經中所記載。有若使徒之行爲。可卜不久。樂園臨於世界。禧年之福。亦臨於世界。祈禱不已。是爲傳道之號筒。今世之教師。致力於密室。而所有之講題道理語言。亦由密

靈 力 由 求

---

室而得之。如此者。其繼世必大改更。天地皆新。罪污咸潔。所以如此。豈有他哉。皆由牧人。今世之切求已耳。

靈 力 由 求

---

名牧某云。有時基督徒。好於人前。議論其師。絮絮叨叨。語言甚夥。余以爲如此者。不若屈膝上帝之前。代師祈禱。更爲有益。上帝憐憫。牧師自得醒悟。屢求不已。牧師自得利益。較於人前。好作無益有害之議論。相去何多耶。

## 第十八章

今之世。異於古之世。卽門徒不肯爲師祈禱。祇此而已耳。或曰。爲師祈禱。是暴師之弱。於凡衆之前。非善法也。爲師而良。此法勿行。爲師而劣。應早行之。

牧者自知之祈禱爲本分。亦爲當然之佳會。祈禱之性質在人心。譬如天空之清氣。在人肺。牧者祈禱。必盡心致力。而信徒爲師祈禱。亦必盡心致力。兩者相維。不相廢。則牧者之聯信徒之力。無虞其不足也。牧者仔肩會務。其職分非不重大。然能勝任愉快。惟在互相祈禱而已。

眞誠牧者。爲己切求。靈魂得救。不與世物俱朽。而亦必爲信民求。爲己爲民。其祈求之理。初無二致也。

靈 力 由 求

信徒愈加潔。則祈禱之事愈見重。上帝之作爲。多出於祈禱。亦愈明知。同一祈求。有心卽予。心不祈求。救主奚進。靈不籲告。聖靈奚居。人不祈求。傳道奚足自行。是故信徒不祈求。耶穌不助之。傳道不祈求。衆人不聞之。口才人材。學問職任。俱不能代之祈求。自己不求。他人徒求。日日自求。他人卽能代求。傳道啟目。己職如何。勞度如何。大概能見之。惟知一事至要。卽祈禱是也。自己不足。必人代求。不觀於保羅乎。力量感情。一保羅也。帝心簡在一保羅也。傳道之人。祈禱前行。我亦如是行之。猶是一保羅也。惟基督徒能爲代求。其力量必加多。則非僅如從前之一保羅也。故保羅常達各會。講代祈禱。蓋

靈 力 由 求

明知晰見。在聖靈中。彼此連合。互相祈禱。定有同行之力。同備之工。悅主之信。可卜皆由祈禱來也。是以祈禱愈多。能力必因之愈順利。

信徒合祈。如衆川歸海。其力莫之能禦。保羅知聖靈力大。職事爲其所定。故祈禱不已。務求進益。有如大海。信達各會。亦以祈禱之道。勉人爲之。今人皆知之。保羅踪蹟。超於儕輩。行傳所記。占其大半。芳名所被。今古如新。此其故何耶。無他。惟請人代爲祈禱已耳。他人則未嘗如是也。其達羅馬云。勸爾同我祈禱。爲我祈求上帝。（見羅馬十五章二十節）達以弗所云。亦爲我求。致我能言。侃侃然啟口。令人知福音之奧妙。（見以弗所六章十八節）達哥羅西云。且爲我儕祈禱。求上

靈 力 由 求

帝爲我開道之門。俾言基督之奧妙。（見哥羅西四章二節）  
達帖撒羅尼迦云。究之兄弟乎。爾其爲我儕祈禱。俾主道流  
行而得榮。如在爾中然。又俾我儕得拯救於無理之惡人。盖  
人非皆有信也。（見帖撒羅尼迦後書三章一節）  
達腓立比云。盖我知斯事。由爾之祈禱。及耶穌基督之靈之給。反致我  
得救。依我之引領與希望。卽我概無羞愧。乃凡事侃然。（見  
腓立比一章十九節）  
達腓利門云。爾且爲我備寓所。盖我  
望由爾曹之祈禱。將見賜於爾。（見腓利門廿二節）  
保羅誠謙謙之君子也。卑躬屈膝。以自祈禱。亦請他人代之祈禱。致  
聖靈之眞理。自己明知之。而所播之福音。歷代喜學之。是其  
爲使徒。無非恃他人之祈求。以成其職事。今之傳道何不然。

靈 力 由 求

一一二

不藉他人之代求。亦不知傳道之要需。惟有祈禱而已。明明可見。保羅請人代禱。不以爲沮喪名譽。不以爲缺乏志力。縱或有之。亦不以此沾沾自計。故決意請人代爲。凡所折磨。並不隱瞞。皆侃然與人言之。其所自處。固甚誠也。上帝召之。爲異邦人師。錫予靈賜。有加無已。然猶虞其不足。信達各會。請代爲之。庶恩賜彌大。濟度彌廣。祈禱愈多。收效亦愈多。故不論教友四方何在。俱皆勉以祈禱。協力共勞。

今之信者。有代師之祈求否乎。有密室之祈求否乎。但有人前。不有密室。不足爲祈禱也。摩西祈禱。手高則勝。手低則敗。亞倫戶耳如何輔翼之。

使徒之心。不以他事遺會。惟有祈禱之工而已。或以錢財。信



靈 力 由 求

德。力量。靈賜。引導。爲要事。是皆未足爲要事。惟祈禱之工。則爲至要之事也。

經書所載。使徒固以多法。勸導於人。惟至要祇有一事。卽祈禱是也。故信札所通。俱以大智大力論祈禱。及其終也。使徒已效其力。傳道已成其功。是皆出於一事。卽各處各人之祈禱。

耶穌在世。嘗設祈禱之喻。而自已亦實行不輟。使徒固學於其師者也。

耶穌見衆而憫之。以其如羊無牧。田園已白。收穫何人。故常傳道與之。而亦爲求工人以赴之。

耶穌禱畢而返。見門徒酣睡。責之曰。宜儆醒祈禱。以免入於

靈 力 由 求

---

誘惑。嘗言云。穡多工少。宜求穡主。遣工赴於其穡。又設譬以語之。致彼恒祈而不倦。

靈 力 由 求

---

英道學家某云。公事多。朋友多。其滅我也尤速。不在滅身。卽在滅魂。余之仰望。惟在密室之祈禱。及昧爽之時。與主談言。則甚善。蓋自見之。公事繁多。則親上帝。禱密室等事。皆放棄之。不思想。不讀書。不祈禱。身變而爲瘦冷。心變而爲頑石矣。余今悔之。每日祈禱。准以幾時。祈於早晨。亦祈於昏夜。事多眠遲。晨卽晏起。故晨祈祇有半點。普世聖人。祈讀二事。是年年日日工夫。祈禱於主者。無事不能。又何慮內乏靈德。不以爲疑。不以爲無。上帝用人。何事不能爲哉。故明知其真。惟當言曰。祈禱。祈禱。祈禱。

## 第十九章

基督徒自謂有虔恭敬畏。豈可無密室禮拜。要有其時。專事祈禱。親近救主。挺立靜候。不如此者。無可誇。不用密室之時刻者。事不成。

祈禱苟簡者。虔心必不深。擽節光明盡力。急迫之心。何能出此。故祈禱短少。是戲猛獸之爪牙也。靈教之基。因而塌陷。靈心之病。因而叢生。冷退之由。因而振作。恭敬因而浮慕。虔誠因而自欺。如是者。譬如朽腐之種。不可望活。礮瘠之土。不可望生者也。

經書亦多載短祈。然言語雖短。而志向則甚專。祈禱無多。而交上則已久。故往往得力。較長祈為尤巨。侍立恭虔。少祈亦

靈 力 由 求

足成大事。

摩西無甚長祈。惟交上最久。禁食最專。四十日夜。不離上帝之左右。傳非如此言之耶。

以利亞無甚長祈。惟居易俟命。累月經年。侃侃存心。侃侃見王。侃侃言事。一禱而幾年不雨。

保羅無甚長祈。惟日夜孜孜。不敢或息。

耶穌無甚長祈。其祈禱文。雖三尺童子可背誦。惟存心隱密。不聞朝夕。終夜爲之。大工以成。蓋俟立於父前者。虔恭成就。於世界者圓滿。所得於性天者極榮耀。所成於天國者極聖神也。

靈浸之祈禱。其工最苦勞。故世人不欲爲之。性真之祈禱。其

靈 力 由 求

值最高昂。故肉情不欲爲之。何則。以其反悖於世情故也。千人萬人中。一人兩人知。故不知不要。工值遂不敢盡下。畏而遠之。視爲非常不測之工矣。人莫不知祈禱。有短用祈禱。以安良心者。以爲使良心知有祈禱。卽便可矣。如此者。譬服毒藥。自戕生命。

祈禱停罷。危險臨之。信德之基失去。遲祈短祈。及於教會而止。如是者。軟弱臨之。良心之種喪失。敬虔之心汨沒。少交上帝。不事祈禱。自祈不久。代人之祈亦不久。如此者。敬虔之心。不與上帝相通。苟簡之祈阻之也。心得默示之樂。皆由密室祈禱之工。恭敬不時者。此禮卽不能得。牧師某。宣道外邦。嘗云。余甚悶之。宣講則甚多。密室之祈求。

靈 力 由 求

聖經之研究則甚少。祈禱苟簡。心魂不與上帝相交。接。身外之公事太繁。心內之公事太簡。此即睽隔上帝之原由也。自今立意。每日幾點。以爲禁食祈求之工夫。數月後。讀其日記云。余得大益矣。每晨祈禱。已占鐘聲二響。牧師某云。今後密室。應多祈禱。恒傳道。靈魂轉困。餓。不祈禱。靈魂轉疲。瘦。不早起。即不祈禱之原因也。一日往赴國會。獻議不行。失意而歸。自題日記云。今日羞矣。事跌不行。上帝不扶持。殆因祈禱不誠故也。今後應當早起。專事祈禱。與禮拜。傳道之人。至要之一事。即早起。人靜。專心祈禱。衆人之靈性。因此可以進步。聖人之力量。因此亦可以進步。百姓之能力。因此亦可以大成就。如此大寶。何以失之。人事紛紜。祈禱簡。

靈 力 由 求

慢。卽爲失之矣。

性情中正。不悅者不爲之。不滋事生端。如此者。由祈禱。亦由上帝之恩。行爲不適用。由於祈禱之苟簡。品行不見稱。由於祈禱之忽畧。

密室之中。禁食祈禱。所得於上帝者。卽德性之富貴。密室常偕上帝。外間亦常偕上帝。忽入密室。忽出密室。其爲自欺也甚多。其失應許也甚大。

居易俟命。教人以成大事。靜俟上帝。教人克勝私己。私己能盡屏却。錫予卽自天中。耶穌曰。寡婦求官。終得伸冤。選民日夜祈求。上帝卽將速聽之矣。

傳道者乎。何爲大工。祈禱是也。此工有合於上帝。故應尋此



靈 力 由 求

時機。以求於密室樽節立志之事。否則此工失味。上帝必不悅之。真祈禱結局多得。假祈禱結局無得。真祈禱無人能及。假祈禱半句爲多。不識真祈之用。宜入學校用工學習祈禱。其工宜純。不可淺嘗。卽謂已得。諺語云。與主一言。此兒童之語。非長者之語。不可以用於祈禱。至善祈禱。宜尋善機。盡日力。抒虔誠是也。今人不善祈禱。亦不善禱人。應禱之道。少人知之。傳道牧者。辱於此道爲獨多。世情之冗雜。人事之紛紜。電線之信音。舟車之驅馳。公司朋友之交與。應接不暇。又何有安樂性情。以事密室之祈禱。傳道或以心念爲禱。舊書時念。以爲祈禱之本分。卽此以足矣。何人祈禱。有如雅各。堅執天使。不祝不放。何人祈禱。有如

靈 力 由 求

以利亞銅鐵之天。亦爲下雨。何人祈禱。有如耶蘇山上祈禱。通宵達旦。何人祈禱。有如使徒。恒務祈禱。役事乎道。今之傳道。徧尋不得也。

富商大賈。捐金助教。則有之。專心祈禱。則無之。如是者。捐金奚益。不事祈禱。則金錢亦成糝糠。

有多牧者。奮力宣傳。以爲社會興起。天國卽流傳及遠。然而不事祈禱。以致所謀。皆不如願。眞實之祈禱。今人多失之。恃一己以益世。此道未之前聞。惟普世之傳道。皆事祈禱。則世界必得超等之大益。能至於此者。則爲世界之大賢矣。

靈 力 由 求

---

路得馬丁云。我嘗思之。祈禱之力。宜過於魔鬼。否則今日之路得未可知也。奇哉。世人眼無所見。上帝於我。工夫何多。異跡何大。致我不亡。然我若一日不祈。則我之熱心。必大損失矣。

## 第二十章

五旬未至。祈禱之關係如何。使徒皆不知之。五旬既至。聖靈已臨。祈禱與福音之流行廣播。甚有關係。使徒皆得知之。聖靈今日大喚。命令各會。應發祈禱。以補從前之大缺。昔日使徒。虔恭寅畏。性行純美。皆由祈禱得也。福音流行天下。關於使徒之祈禱。早祈切祈。則福音行速。緩祈遲祈。則福音行遲。今之主徒牧者教會。其能追踪古哲乎。會非祈禱之會。人非祈禱之人。求如古使徒之能引人祈禱者。不可得也。藉曰有之。則此工爲至大之工。天下衆工。皆不及之。今之治會者。必求學校錢財事務。種種精良。然非由祈禱。非由成聖。則欲益之。適足害之。

靈 力 由 求

夫祈禱出於多。尤貴出於自然。恃財錠而不恃祈禱者。其會  
有損而無益。牧者引徒。日入於正。於古使徒之成法。甚有合  
也。牧者教會同心致力於祈禱。是卽古使徒至善獨一之良  
注。是卽今教會純良美足之生命。牧者不專心祈禱。其會皆  
同之。能專心祈禱。其會皆效之。故古使徒恒以祈禱率其會。  
古教會師徒。皆恒於祈禱。今教會師徒。皆不恒於祈禱。陵蔑  
救主。有名無實。熱心聖潔美名。能力皆失去。如此缺憾。何人  
能彌。何人能承此工。以致教會恒於祈禱。有如使徒行教之  
日。有如路得改教之時耶。

余常思之。依主而言之。教會缺於一事。不惟在此世。而亦在  
上世。所缺爲何。卽牧者不污之大信。不濁之聖性。熱心蝕己。

靈 力 由 求

之能力。祈禱成信之職任。上世不缺此。則能益此世。此世不缺此。則能益下世矣。茫茫宇宙。具此大力。以引入成聖者。誰哉。設或有之。則教會屢世必沾其盛矣。

牧者非令人驚愕。非令人貪多。趣惟以靈力。傳播福音。感化人心。悔改夙昔。致令信者。前後如同兩人。此則牧者之善者。若徒恃口才。空談學問。未足爲善。未足爲一者也。

設有一人。信德甚大。祈禱甚善。在主能奮興。在己能操持。謙以處躬。卑以自牧。日日求上帝之光榮。仗上帝之盛滿。如此者。靈火因上帝必燃著於教會矣。與世俗不同。與作貌示人者更不同。雖清正不諱。而其法其力。俱足引入心服上帝。上帝得人才。則大能寄迹。因之而昭著。世人得帝力。則奇事

靈 力 由 求

異能因之而多就。嘗讀行傳。帖撒羅尼迦人訟保羅西拉曰。斯顛倒天下者亦至此。語雖拗逆。適彰上帝之力。使徒之能。夫保羅亦人耳。不仗上帝。不仗聖靈。又安能顛倒天下。今之教會。顛倒之人何少耶。設或有之。世界宗教。亦將爲其顛倒。況於國事耶。教會歷史。時有光華炳著。才德軼群者。棟樑柱石。每在斯人。模式功勳。常昭來裔。祈求上帝。多生此等功臣。光輝絡繹。無間古今幸也。

耶穌曰。我誠告爾。信我者。我所行之事。彼將行之。且大於此者。亦將行之。因我歸父也。（見約翰十四章十二節）耶穌之言如此。今古皆然。毋謂古上帝顯現。而今上帝卽不顯現也。凡會徒仰古昔。而不致力現今者。必傾頽而不立也。今者上

靈 力 由 求

帝所選之人。世情於彼釘十字架。彼於世情亦釘十字架。自  
己之力。亦不一靠。銀行倒閉。囊無一錢。靠己力者。有如於此。  
世界亦一倒閉之銀行也。信徒於世。更有何望。故應熱志忠  
心。盡力倚仗於上帝。  
本書結語將止於此。我儕將若何。亦惟有懇勉祈求。致上帝  
所應許於昔人者。而亦應許於我人焉。亞孟。



